

晚晴籟詩匯

第四十册

晚晴簃詩匯卷一百四目錄

曹振鏞

四首

錢榮

五首

玉保

六首

王友亮

六首

翁元圻

一首

曾燠

十四首

汪學金

十五首

朱蘭馨

二首

徐昆

二首

張經田

二首

劉錫五

三首

陳廷慶

二首

戚學標

八首

楊倫

三首

錢塘

三首

沈在廷

八首

吳昇

九首

李苞

八首

許乃來

一首

劉東里

二首

李符清

五首

翁咸封

五首

李簡一首

楊興植三首

朱霈八首

張秉鈞二首

李懿曾三首

晚晴彞詩匯卷一百四

徐世昌

曹振鏞字懌嘉號儷笙歙縣人乾隆辛丑進士改庶吉士授編修官至武英殿大學士加太傅諡文正有綸

閣延暉集話雲軒詠史詩

詩話嘉慶三年文正以詹事督學廣東父憂歸服除
祖母歿期年始至京補官仁宗稱其孝道光間大
考翰詹詩題巢林棲一枝眾皆不知所出公在軍機
直廡謂同官曰此左太冲詠史詩也誦全詩不諱一
字宣宗閱卷怒詞臣不學欲再試之越日召見公
詢公詩選出處公以不知對上曰汝亦不知無怪
然耳也遂已或問公何以言不知公笑曰吾知亦偶
不知亦無大失炫已損人吾所不爲聞者歎服詩主
性靈於兄弟師友間流連往復真摯動人不以工拙
也論

攬鏡詞

人憐漸憔悴壯志猶軒舉攬鏡忽愁生心知口不語

漢將軍柏歌

峩峩天封觀屹屹嵩陽宮怒濤聲沸沸偃蓋圓童童擊雲
攫雨恣奇怪老皮張展橫晴空大者根堅介於石小者枝
舞神如龍獨惜三株火其一不然鼎足而峙天之中當年
樹旁駐仙蹕千乘萬騎羣候從登壇拜將寵錫秩直欲使
爾任折衝豈知將軍不好武靜含秀色森古容回天轉地
自智勇洗兵銷甲何英雄幹聳十丈氣鬱鬱葉鋪千疊光
重重惟名與器不可假詎要人爵貪天功嗟爾將軍柏何
如大夫松貞心共守壯貌古勁節肯受頭銜封不惟其人
惟其樹秦皇漢武將毋同可憐驪山一炬成焦土茂陵有
客悲秋風岱松已亡歎枯朽此柏無恙猶青葱我來爲揖

客眺賞心神融莫言將軍何乃故敢不封殖忘角弓

過蘇齋師寓齋感賦

空庭寥落夢吟魂每過潸然漬涕痕昔侍門牆呼老友余進謂師以老友呼之今趨第宅對孤孫可能點筆神光護祇有遺書手澤存石墨樓高回首望儘教腹痛向黃昏

當年詩境是詩壇多少人來劒鋏彈恩怨誰堪追俠烈炎涼何意到儒酸五千文字撐腸易八百孤寒下淚難蘇米齋中悲寂寞殘編散帙孰重刊

錢棨字振威號湘船長洲人乾隆辛丑一甲一名進士

授修撰歷官內閣學士兼禮部侍郎銜有湘船詩藁

詩話鄉會殿三試皆第一世謂三元明舉進士科八十八三元僅得商文毅一人國朝舉進士科一百一十三元亦惟湘船及陳蓮史方伯二人而已湘船自侍從陟卿貳視學滇南遽卒於官年未中壽詩和平

蘊藉汪稼門爲作序謂天假之年不難爲王沂公誠重惜之也

題葉仙將軍畫卷

芙蓉城主舊時情石室桃花夢未成
仙佛至今眞不滅英雄從古愧徒生
滿庭香雨拈金粟一枕松風聽玉笙
擬約山中同採藥韓康何必爲逃名

題詒晉齋畫梅冊子

記曾踏雪銅坑路初月昏黃舊崦西
醉眼倦開香似海春風纔到玉成蹊
一枝影雜檀欒好片石寒生煙靄低
今日畫圖重省識江鄉宛轉夢淒迷

鐵笛歌

刻有裂石穿雲四字款云米圖南造于三弄處

會稽詩老儕虞揭樂府歌成聲激烈
卷衣甲帳月華涼照徹寒笛寸迸裂
傳聞緱氏冶師名范出玲瓏土花纈
季長

才調廣平心留響人間肯磨滅跌宕詞場檀板隨洞庭波
闌龍吟咽玉山再訪草堂空誰識江南又一鐵況是仙蹤
林壑稀凍雲穿破今歇絕我朝元音簾業設樂章曾補工
尺缺九天不按霓裳聲無人會傍宮牆竊此器何來三弄
稱冰霜迎面頻擊節合趁天風一擲迴瓊花片片飛如雪
從此柯亭製更精米家書畫船中列玉簫金管莫輕吹輸
與清商起巖穴

淮南秋興

天末涼風嘯九秋桂香吹落小山頭淮南有客聞吟樹江
北何人獨倚樓樽酒漫招六從事劍光欲動五諸侯星名卻
思牛渚虛高會畫舫銀鐙夢舊游

羃歷庭陰午不收最宜高處豁雙眸江濤直下枚乘筆鄉

思初生張翰舟桐葉雨疏人靜夜荻花風起雁來秋何當
博望同移棹倒引星河足底流

玉保字闔峯滿洲旗人乾隆辛丑進士改庶吉士授檢

討官至吏部侍郎有蘿月軒存藁

詩話闔峯爲治亭尙書之弟平生宦迹與治亭同充
侍講侍讀學士同充日講起居注官同侍郎同副都
統同經筵講官同讀卷大臣同彈壓大臣甲寅鄉舉
同爲典試至於扈蹕從獵亦多與兄同時其集亦多
兄弟唱和之作世人比之蘇氏軾
轍然闔峯之詩實不敵治亭遠甚

宿大覺寺

信宿招提境西風坐夜闌不知嵐氣近但覺客衣單徑折
泉爭赴山高月易寒更無塵世想倚枕笑邯鄲

奕枰

一著誰能讓枰中莫苦尋不曾聞落子何處有機心局外

觀常靜談餘數亦深自來疎坐穩狡獪性難任

西山道中

極目西山宿霧屯行行小憩叩柴門蒹葭風冷澄秋水
蕎麥花開帶遠村擔榼快聞呼婦子築場幾處散雞豚
田家剝棗爭留客丹竇離離壓短垣

題覃谿前輩朱碧山銀槎圖卷

酒泉無源天上來酣嬉往往沈雄才欲挽狂瀾導東海
仙槎縹緲銀爲杯有元朱氏創酒器張騫軼事形模開
雕鏤密栗詳款識攜來滿几雲皚皚當時虞揭恣玩賞
竹垞雅詠尤工裁覃谿先生非飲客製圖毫髮何精該
我對此圖重歎息匠心獨造驚風雷小器易盈此能受
光涵天宇窮八垓敲器易側此不倚平凌海市浮蓬萊
向使此槎無識

者沈淪市肆同樽罍販夫俗子任酣暢淋漓顛倒緇塵埃
一自拂拭遭巨眼練光浮蟻澄香醅藝苑圖書共燦爛盡
洗醉眼登天台從來奇物不終晦安能酒食相趨陪佇看
什襲進天府雞彝龍勺輝雲臺

昆明湖

萬頃煙波望欲迷石橋風定亂蟬嘶雲浮金鳳巢阿閣日
照銅牛卧大隄煥館凌霄丹嶂迴水師校戰彩帆齊聖皇
自有平時備鄭重將軍奮鼓聲

宿姚家莊

驅車投荒村夕陽滿林薄田家重款賓殷勤開草閣自云
城中人家世久蕭索徙居牛欄山册賦事耕作薄田僅數
畝餬口異飄泊迄今三世餘母子保藜藿城中多族黨當

時競炫爍一再過其門嗣續歎日削擔種兩不能此身竟
何託白屋無凍餒朱門有溝壑君看貴家子往往悲中落
聞言心慘悽是非感今昨涼月隔林來西風捲疏籜

王友亮字景南號東田又號葑亭婺源人乾隆辛丑進
士授刑部主事歷官通政司副使有雙佩齋詩集

嚴先生釣臺

不餌帝王鉤東歸狎水鷗早知渠物色一併脫羊裘

雙佩齋

韋以治狷急弦以厲遲迂救偏雖異策命意非殊途我欲
雙佩之客見皆胡盧揖客前致詞剛柔量時需含瓦既驚
鷺模稜仍笑懦老聃語自佳子產論非誣斷事擬鑿鄒待
物侔醜醜欲求水火濟詎惜熊魚俱緬維昔賢軌揭之齋

坐隅庶幾能算過嘗此勸區區

三宿巖

舊傳三宿虞丞相健筆巖端紀歲華落日大江屯虎豹清
風峭壁動龍蛇獨留遺像圍楨玉無復題名翠碧紗客到
欲爲桑下戀一聲林磬又栖鴉

蔣荅生前輩輓詩

天語呼名士爲江右名士人言勝達官已成千載遇不救
一生寒忽忽蛇年遇悠悠蜨夢關公歿于二月二十六日此中無罣

碍應作去來觀

憶在京華日過從見性情雄談凌貢父逸調陋耆卿先生善談

蹟兼工詞曲有傳奇十八種行于世勇退緣多病茲遊遂隔生貽詩猶在篋

珍重抵連城

冰山雪海歌爲董蘊田舍人作

冰山自古寓言耳君到伊犁親見來傳是堯年洪水後朔
風搏結成胚胎扶桑十日鑠不動至今屹立萬仞光皚皚
下無寸土上無樹復嶺層巒莫知數直將水體冒山名賴

有回人來鑿路路光如鏡滑如油牽馬不行馬亦愁大聲

忽發山迸裂片石陡絕橫峯頭有時山裂路斷行人到此

防飛墜前導狼踪看幾箇山無鳥獸有狼行者視微生判

作號寒蟲得過且圖今日過徧身起粟兩腳僵六十里同

千里強下山席地甫少憩照眼雪海來蒼茫海無滴水雪

爲水中有橫梁蜿蜒起此梁亦是雪踏成寬可二弓袤十

里相將奮力且勉行凍步彳亍疑搖旌但教人馬小失足

直下雪窟聽無聲吁嗟乎山巔海角人猶駭何況山非眞

山海非海過處曾驚白骨橫望時直使朱顏改方今聖德
大如天幅員遠越千古前奇觀久閱忽盡豁足跡未到嘲
張騫君歸萬里談奇絕一室春風變冰雪天山瀚海詎能
誇聞者心寒耳偏熱徑須命駕醉鄉遊此中險阻艱難俱
不設

翁元圻字載青號鳳西餘姚人乾隆辛丑進士歷官太
常寺少卿有佚老巢遺藁

詩語王伯厚困學紀聞體大思精殘膏賸馥沾溉學
者鳳西集諸家之說以爲之注與嘉定黃氏日知錄
集釋幾於
家有其書

病起將移居蕙曲

冀北歸來又一年輕寒正是養花天尋芳懶試登山屐得
句遲於上水船病減已過春寂寂愁多空負腹便便藥牀

茶竈添新製買得臨江屋數椽

曾燠字庶蕃一字賓谷南豐人乾隆辛丑進士官至貴

州巡撫有賞雨茅屋詩

吳穀人曰陰陽開闔歷變化呼喻而後發之王揚甫曰達勃如風瀾浸如雲澎湃如泉

詩話賓谷早達陟詞苑值樞廷居華臚清要數十年後官揚州風雅愛士紅橋白塔載酒題襟賓客幾傾時選海內嚮慕比於王貽上盧雅雨一流其詩沈鬱細密無羅綺之氣包安吳最賞其山下雨瘦春草幾時生及望岱詩須知天下雨還望一山雲謂為寄意遙深人所難及

伊孝廉墨卿與余話舊感向者東郡之游而見於詩

黯然奉答

昔游如夢思茫茫語向君前倍感傷樓上酒人明月夜雪中詩話聚星堂雛鴉畏晚尋巢急孤樹驚秋落葉涼莫問少陵舊詩卷不堪東郡弔城荒

眞州準提菴老梅行

白沙江村有老梅百年劫火餘枯荑春風一夜忽鼓動玉
筍旁迸千枝開天地有心試冰雪龍蛇偶蟄驚霆雷今人
爭繞月觀樹往日誰踏僧廊苔廿四橋邊萬花海我無暇
去翻遠來名姿往往寄幽獨相賞故不從塵埃疑是仙人
萼綠降返魂自得眞香催惜無酒酌花前杯參橫月落人
空回

鐵簫吟消寒席上賦

我得南星鐵如意狂歌水仙愁擊碎世間何物堪倚聲竹
管匏笙不能吹鐵崖嘗豢雙鐵龍雌龍入海招其雄千年
干鏌兩俱化至今怒吼吳江風玉鸞也復無消息曾照廣
陵秋月白廣陵鍛工摹影來白鸞毛羽今變黑蕪城雪後

風正饜寒冰一條吾手操彈指連珠五星見當頭明月三
天高便欲招呼簫史輩翩然彩鳳同游翱元雲之曲應天
籟世俗絲管空啁嘈如意從今得朋慶以之按拍聲相應
池上裝賓方響飛江東高唱銅琶競此際官梅有芳信吹
徹簫聲花欲迸君不見道人鐵腳誦南華宰相鐵心能賦
花

贈章實齋國博

章公得天秉羸絀迴殊眾豈乏美好人此中或空洞君貌
頗不揚往往遭俗弄王氏鼻獨臚許丞聽何重話仿仲車
畫書如洛下諷又常患頭風無檄堪愈痛況乃面有癩誰
將玉璫礪五官半虛設中宰獨妙用試以手爲口講學求
折衷有如遇然明一語輒奇中古來記載家度置可充棟

歧路互出入亂絲鮮穿綜散然體例紛聚以是非訟孰持
明月光一爲掃積霽賴君雅博辨書出世爭誦筆有雷霆
聲旬止市闕續鑑追溫公選文駁蕭統乃知貌取人山
雞誤爲鳳武城非子羽誰與子游共感君惠然來公暇當
過從

酬法梧門祭酒西涯見寄

廬陵久不作茶陵今復見誦君西涯詩憶我蜀岡讌我忝
官茲邦非無流風善政愧賢守前文居眾賓殿徒申梓里
恭聊慰桐鄉戀君家傍西涯才亦西涯擅有如宋公墅寫
入右丞卷翻念塵土人瑤華寄江縣

簡唐陶山乞虎邱寺枯桐斲琴

聞聲有相思進前有不御矧伊淪落久孤植在風露虎邱

一枯桐不識誰手樹幸免爨下焦終稀匠石顧瘁貌肯求
悅苦心良自喻唐侯今宓子鳴琴張治具常歎知音難忍
令此材蠹我有幽蘭曲厥聲靡所附煩君揮郢斤爲君發
淵素

穉存蒙特赦歸寄示塞外詩冊奉答

聖主求言量獨宏謗書宣示舉朝驚竟將忠愛憐蘇軾不
許公卿害賈生絕塞烏頭三月白歸裝駝背一編輕旁觀
猶感君恩厚何況親爲雪窖行

山燒

初訝流星亂俄看掣電明層巒從此瘦春草幾時生久畏
邊烽警何堪野燒驚崑岡無玉石揩眼一傷情

答蓮裳芙初夜坐之作

瑟瑟涼風爲底生
荒荒明月太無情
江樓夜色清如此
一片吟蛩落葉聲

清明插柳詞

新煙曉颺江城煖
樓閣朦朧覺春滿
隋隄柳枝昨初翦
插向門闌露猶泣
生憎柳態嬌於人
門裏門前眉對展
黃鸝上下紫燕翻
往往誤觸蒼琅根
打毬開讌笑語溫
黃金端合爲君門
纖腰舞倦春亦去
走馬風中已飛絮

贈劍峯

茲別昔嘗有此才
今所無寸心千古遠
半世一樓孤君著

心樓集江大愁難沃
風春病不蘇
誰爲張謂者
觴爾漢陽湖

觀音寺僧道源獻蠟梅一枝酬以數句

芳杜洲前新月黃
月中一院旃檀香
道人嚼花同嚼蠟
滿

嚙冰雪清肝腸卻拗一枝持贈我知我未滅青蓮狂鷺兒
臘釀正新熟清氣浥浥添杯觴昨訪曹溪溪過梅嶺南宗寥
落南枝荒道人能參黃面老當爲五祖開道場

答蘭雪

西山自昔兩詩人苦學神仙施與陳龜息尙留丹竈地鶴
飛何處白雲身君吟松月能耽隱我重柑橙願結鄰談到
交游多鬼錄南皮爭不念前塵

爲巢松序詩竟附寄一律

二十年前小鳳凰曾從席上歎冬郎海南猶照爇天焰河
內今瞻治水航知有門生來載酒惜無老輩共登場聞君
兩鬢新霑雪莫嘔心肝向錦囊

汪學金字敬箴號杏江晚號靜厓鎮洋人乾隆辛丑一

甲三名進士授編修歷官左庶子有靜崖詩豪

詩話乾隆戊辰持齋太史以第三人及第後二十三年而杏江繼之世家踐陟清華名第相同一時稱盛事既乞歸營靜厓小築有池館水竹之勝安禪習靜翛然出塵詩亦超妙絕俗

建陽道中早發

雞唱登前坂霜花襯馬蹏人迷三里霧路轉百重溪水確
高於屋山田壘似梯一村楓柏樹爭壓帽簷低

過嚴陵釣臺作

丹楓爲幃石爲屏百尺高臺照客星兩岸猿聲落秋水至
今山色爲誰青

泊舟芋墩

小艇緣溪行繫纜垂楊塢綠野炊煙微人家在春雨
胥江夜泊登萬年橋望月

胥口驛前風路饒鐘聲漁火最魂銷月明子夜誰家笛人
上吳江第幾橋舊雨漸成萍跡散春風應惜馬蹏遙緣知
一別愁如許翦燭篷窗話晚潮

元夕

客裏逢元夕蓬窗聽急流我行纔七日有夢在孤舟鐙火
明官驛人煙冷戍樓今年江上月一度已當頭

舟夜

月落江煙昏孤舟趁潮去忽聞雞犬聲知有人家住

過趙北口

趙北燕南地蒼茫旅客過西風吹易水落日下溲陀大澤
龍蛇動荒原雁鷺多市中屠狗散無復有悲歌

望廬山

廬嶽仙靈宅摩空勢絕羣峯留太古雪樹出四時雲虎跡
寒溪見猿聲落日聞欲求真面目騎鶴問匡君

積霖歎

積雨決田壞官路水深泥滑馬不渡溼衣及膚燎不得主
人號咷僮僕訴行人爭羨居者安誰知居者尤艱難一年
籽本逐流水赤腳老農瞠目看來朝乾鵲噪簷樹行人歡
喜搖鞭去暮宿前村府帖來淮南又報蝻如雨

夜起

羈人起夜半殘月在四野天風吹孤雲明星欲西下遠道
苦阻艱太息視羸馬獨立黯自傷誰念遠游者

河間道中早行

偏衫席帽慣長征清露涼颺趁曉行鄉夢遠隨殘月影客

愁併起亂雜聲游梁詞賦慚司馬入洛年華感士衡最是
旅程秋信早哀蛩又傍馬頭生

東阿舊城

維堞參差望裏分郊原禾黍綠紛紛斷厓泉放千盤雨夾
嶂人穿九折雲廢閣蒼苔曹植廟殘碑青草項王墳英雄
消歇才華盡匹馬荒城送夕曛

過臨清訪謝茂秦故居不得

客舟晚繫衛河濱卻憶論詩謝茂秦異代風煙青海宅中
原壇坵白衣人關河墓遠魂難返車笠盟寒事莫論回首
三畝文藻地風流一様絕音塵

蓮士見示扈從盤山用陸放翁韻詩卽次原韻奉簡
春風放顛花事殘綠陰滿庭春晝閒午時睡醒鬢絲亂閉

門枯坐如深山故人扈從薊門返呼童掃徑開柴關三日
不見生鄙吝覲面惟恐遭譏訕袖中一卷瑩冰雪冷然四
座開心顏青山落日響鐘磬一鳥噫噫嘑花間萬松入雲
亂蒼翠千澗咽石歎淙潺樊籠塌翅不飛去境地毋乃分
仙頑夜來有夢到盤谷朝眞許綴蓬萊班洞門徧地種瑤
草仙人放鹿何時還

盧師山祕魔厓

山溝石破碎步步苦跛躄引手落鶴巢斗削太古鐵寒潭
瑩深碧中有蜿蜒穴昔聞二龍子親受尊師訣當空一指
禪刹那悟生滅龍來澗自清龍去井不竭側耳疑風霆沃
盥未敢褻瘦影落危厓叢蘆捲秋雪

朱蘭馨字芬若號松喬海鹽人乾隆辛丑進士授鉛山

知縣歷官吏部員外郎有松喬詩鈔

詩話松喬初宰鉛山地當衝要民情健訟手批口斷羣情悅服旋以湖口同知內擢司勳詩不多作有登橫山詩云地是逋翁宅詩登李杜壇一言

江行雜詠

江行盡日趁和風估客帆懸十幅同最是客心看不足亂

山蒼翠夕陽中

登秦駐山

秦皇飛劍挾浮雲望海東來駐六軍蓬島未回童女楫桑田已起美人墳山有始皇葬美人墓祇今報賽隆千載當日巡游徧八垠極目遙天秋色老波濤滾滾夕陽曛

徐昆字后山臨汾人乾隆辛丑進士歷官禮部員外郎

有柳厓詩鈔

登王屋頂

王屋高出碧落天芒鞋今已蹋其巔日精月華環左右析
城砥柱相鉤連西華中嵩互揖讓崑崙河勢流如卷俯視
城郭小於豆中州千里看人煙我聞潛通仇池穴無乃洞
口煩窮研結茅索向情虛住住久定可逢真仙醉後碁敲
煙樹裏醒來花落枕函邊跣趺子午工圓足木鑽工滿嬰
兒豎丁女王公固結久乃可出游任飛蹏不然結竈養丹
砂玉樹黃芽轉轉鮮金鼎已鑄丹已結何愁日月頻流遷
同心之友皆曰可思歸從者有拘牽一念稍移墜塵劫木
公金母不吾賢揮之仍復落世網學仙還待五百年

卽目

碧澗銀流水石春懸崖倒掛兩三松半巖應有人家住一

樓炊煙上遠峯

張經田字壺山湘潭人乾隆辛丑進士歷官貴州貴東
兵備道有壺山吟草

歲暮感懷

兩地西風淚全家東海居支離患難後骨肉死生餘郵滯
昔書斷途窮生計疏憑誰供俯仰歲晚更何如

移居新街旅店

來就新街店門庭我到曾移居忙似燕危坐歎如僧賓館
一無事吾儕百不能將何消晝永吟與醉相仍

劉錫五字受茲又字澄齋介休人乾隆辛丑進士改庶
吉士授編修歷官武昌知府有隨侯書屋詩集

黃土坡遇雨

坡陀纔數尺車馬日如流永夜淋鈴雨終朝薄笨愁輪旋
如宋鷁人喘肖吳牛誰信涔蹠水風來解覆舟

卷施閣燕集

我懶不結客願從詩人游烹字恆苦餓對酒能忘憂卷施

主人大招手恰有蘇家酒一斗燕市酒徒多故人入座無

煩問誰某學士乍輟螭頭班法時青衫司馬官正閒王少

畫鬼山人閣畫筆羅兩吟愁平子停吟牋張水西曹水部

都散直大復恰並崆峒肩李石農楓欲丹時菊欲黃一風

一雨天深涼當關不怕醉尉醉罵座或怒狂奴狂樂莫樂

兮文字知惜莫惜兮少壯時一年好景君須記百罰深杯

我不辭君不見韝上鷹早時呼雨春風聲又不見梁間燕

江南塞北年年見萬物變化有如此英雄豎子皆前死阮

公慟哭徒爲爾樂哉糟邱吾老矣

袁簡齋先生生輓詩

作宰桐鄉便作家甘棠陰裏種桑麻山中安石留棋墅屏
後扶風列絳紗死悟前因仍是月生無一日不看花口碑
儘有遺民戴豈止天台老衲誇

陳廷慶字兆同奉賢人乾隆辛丑進士改庶吉士授編
修歷官辰州知府有古華詩鈔

青石梁道中

兩崖青石引青莎一徑松杉冒薜蘿立馬愛當奇石秀下
山猶見夕陽多願同孺子塵纓濁可有高人邁軸歌嵐翠
泉聲行不斷道傍時欲坐盤陀

由嶽麓寺下山返舟作

湘濱來五度纔得一登臨片片江帆影重重嶽樹陰碑賒
三日讀僧向六朝尋欲續傳鐙事斜陽下碧岑

戚學標字翰芳號鶴泉浙江太平人乾隆辛丑進士官

涉縣知縣有景文堂詩集

詩話鶴泉幼有異稟從齊次風游高宗巡江浙獻
南巡頌字涉縣滅闢布征額攝林縣有兄弟爭產者
集太白句爲斗粟謠以諷皆感悔以忤上官罷後改
甯波教授尋辭歸壹意著書精於攷訂詩宗老杜

新河戚武毅公祠

譚守先聞武略垂將軍決策較神奇頓教案堵民如故不
使沈舟賊得知極浦鴛鴦迷古陣高城燕雀集空祠角巾
徒步吳門日愁絕燒荒部曲詩

東村感事

大府夜下帖吏人晨到鄉紛紛帶鋸鑿閭里咸驚惶不知

吏何急聲云官取樟東村老翁家禍將及蕭牆置酒款吏
語但求吏致詳往時溪壑間林木頗鬱蒼不少百年物最
下千尺強老幹飽霜雪夕陰生夏涼其上巢鶴鶴其下蔭
牛羊比年官盡取一一殘斧斯慘澹風雲變彌望沙土荒
此木得不伐因緣屋側藏非敢與吏抗崩壓愁棟梁吏去
無空手餽乏金錯囊然眉急暫緩剜肉心用傷方今世清
晏萬里波不揚臙臙備巡哨歲修自有常何以竭山谷購
求動干章嚴令禁盜斫寸板勞周防邱山萬牛力日令田
功妨官得亦有限吏兇不可當不見東海頭風雨卧躰躰

七夕

織女不在東牽牛不在西何故杜陵老詩乃顛倒之

杜詩牽牛

在河西織女處其東

東西既易位心志安得齊由來陽德剛轉爲陰

所欺年年七夕會一渡河之麋既會輒又返何如不渡爲
豈惟人事迕天上有乖離不見奔月人忘爲后羿妻帝孫
本驕貴益視田夫卑天錢縱可貸勸君勤耕犁

祛惑

文章出真性忠孝爲之原置此而不講藻悅徒紛繁臨汝
有才子二十聲騰騫少年志易滿不惜逾短垣一旦鳳池
奪仍有當路援出入芙蓉府謝去州縣煩非吏亦非隱車
馬填其門園亭恣游宴姬侍供盤飧晚益自任誕夥願爲
大言名教有樂地渠欲一力翻人品不足齒詩文亦何論
況觀所論著無一究根源腦脂遮俗眼盡如古井胥風一
而勸百不覺入其樊欲舉其人書拉雜盡燒燔一掃輕薄
習得見古道敦淫邪義當闢楊墨非有究

讀韓昌黎詩

平生強性韓退之餘事復見於作詩文起八代甚正則特於詩也逞瑰琦硬語險語兼苦語雜以奇字斑陸離明若勺較激雷電幽如睽閃藏鬼屍真宰上欲九闔詆回頭下與兒童嬉虞舜夏鼎嫌典重往往破碎前人辭有時任意自作故究窮所出奚從知本集如時質能化質逞志縱猴皆不見所出神龍變化弄牙角天馬奔放無鼻羈吾服先

生膽之壯吾驚先生氣之奇設無此氣與此膽殿上逆鱗誰敢批因悟先生詩如此亦是狡獪有意爲朝廷紀綱壞奄鎮風俗崇信趨黃緇翁詆訛如賢士此輩奚止叔文伾皇甫張李數子外當日可與莊語誰賈生痛哭旣不可東方儼諫吾其師病鴟妖鳥紛寄託要亦原本風騷遺洞

精矐眇莫能識舉世誰得相瑕疵先生之詩豈易讀在得其髓去毛皮滿紙風雨雜陰晦中仍白日青天垂李杜壁壘未許拔卓然自樹韓家旗文章一道有正變絜長度大甯非癡

走馬岡

高天凝望秋煙紫瀆山一帶平如砥憶昔洋山五雄豪爭騁華騶馳綠耳旌旗掩映林木黃螭騰蚪踊迅莫當深雍蠻靴短後服俯身捷下萬仞岡陡挽青絲更一上疾於鷲鳥摩穹蒼有時據鞍示從容顧盼自信人中龍賓從賦詩石鏡塢日宴高會烹駝峯君不見項王築臺彭城中子陽躍馬亦稱雄紫色蛙聲運一變徒令顧影嘶酸風甫聞樓船下楊僕立見土地收寶融英雄割據竟何有蒼莽溪山

重回首海舶如雲不可恃慶元三郡爲誰守玉山原頭吹
暮笳子弟猶聞賜五花卻勝齊雲樓上火夜夜風雨鳴鬼
車

台州八忠祠歌

忠義不易得得之況一鄉偉哉革除年

遜國志成祖革除
建文年號仍稱洪

武

八公先後慨以慷梓里千載生輝光王修撰廣德亡

名淑英今太平人奉命募
師廣德自經於祠山道院

鄭行人東平戍

名華臨海人
官東平燕將朱

能兵下力疾蕭縣不受脅力戰殉封疆鄭恕仙居人知蕭

戰不屈而死京師既陷徐盧執同日又殺兩侍郎

徐屋字宗實黃
巖人官兵部侍

破被郎盧迥字士恭仙居人

但見周公不見成王擲筆痛哭大

官戶部侍郎皆抗節死

史王論

呼高皇秦法未聞誅十族得禍之慘無如緱城方孝孺

日吾法周公輔成王耳孝孺曰成王安在又令草詔大駢
批數字擲筆於地王曰汝不顧九族乎曰便十族奈何駢

首八百七十人史載連誅之數焉能活我賢太常盧太常原質及弟三人正學姑

也子葉公指斥亦遭戮至今史筆猶煌煌葉惠仲臨海人充史官修太祖實錄

永樂元年以指斥論死舊聞祠中列林鄭林嘉猷鄭公智皆甯海人坐出正學門死號為

十烈同享嘗不知何時去徐葉毋乃討論未之詳我讀遜

國忠臣記內有刑部司務郎自號塞翁亦台士夔慶萬里

從奔藏司務馮灌黃巖人從建文出石樓顧老變名姓扣

角高歌飯牛行顧頌仙居人宰石樓棄官為傭嘗春坊遭

劇事非實要亦節概殊尋常林春坊公輔先死彭夢祖碑陳龍山傳皆載承樂時召至

京不屈遭劇八忠十烈未足盡俎豆增祀宜一堂吁嗟乎

金川門啟迎燕王景隆之罪萬死奚足償燕師得入京城由景隆非將才

開門洪武養士三十載可無義士扶倫綱君不見赤城郡

中忠烈氣蒸作彤雲萬丈芒

題石屏詩鈔

南宋百年變風雅詩格江湖日趨下大中元和儘僞體神
頭鬼面非作者湖海人豪推石屏晚出意氣吞九溟渭南
西山競把臂眼中甯復知四靈新篇往往妙天趣山外青
山渡旁渡烏鹽白紵彌清新樂府海內爭傳播平生不屑
李蔡侯快意日作龍門游朝從甌閩歷吳會暮出玉山夢
羅浮聲名所至盡倒屣門有孟公一座起酒酣落筆公卿
間有如三峽驚湍駛白頭闊扁年復年青袍單舸還平泉
當時不少酬碑絹歸來仍缺買山錢海埂一路迴殘照相
林落葉過憑弔北柵記刻江湖詩南塘賸祀相公廟名高
自古受玷傷新嫌舊素誰致詳南村升菴好勦說庶幾識
者爲表章

楊倫字西禾陽湖人乾隆辛丑進士官荔浦知縣有九

柏山房詩

詩話西禾論詩取法平上徑晞少陵嘗撰杜詩鏡詮
網羅眾說多所發揮時隨圖方主東南壇坫其言詩
最不喜分唐宋西禾賦詩譏之以爲習偏護短而北
江品西禾詩又謂臨摹畫幅稍覺失真或持論高而
自作未能副賦

蘆墅放舟同映川兄弟蕙疇穉存尙之淵如應尾

爲訪招提去輕橈指曲塍秋風千頃稻夜雨半湖葭潦草
杯杵具喧呼澗谷應迴舟防月黑林際閃疎鐙

題王二秋塍詩藁卽送北上

故鄉吟伴集羊何磊落王郎斫地歌同輩欲歸君更出滿

天風雪渡黃河

羚羊峽

江流日奔騰聲過如萬弩偪仄驚入峽程途此艱阻林篁
交蔽黑不復辨子午高崖坐羣猿垂臂引客語稍出向靈
山微陽翳初吐人家嵌石壁如蠮未可數沿塘種木綿插
棘防猛虎月起聽蠻歌誰知我心苦

錢塘字禹美號學淵又號慨亭嘉定人乾隆辛丑進士
官江甯教授有鶴原詩草

詩話慨亭偕弟十蘭並承家學訓詁考訂卓然可傳
十蘭篆書爲有清一大家慨亭則早歲工詩列練川
十二子中其吐屬名雋
亦不減晉壘堂風格

定林寺夜起

夢覺聞寒鐘起行向巖谷草徑露氣深流螢點修竹宿鳥
棲忽驚山泉斷還續余心愴無事徙倚至明旭

九日同嚴冬友諸景雲王少陵汪紉青楊上玉畢文

瀾金宋瑞登冶城山

時序易摧謝江山感物華百年幾令節名士半離家地迴
日沈樹天寒雁落沙空憐一罇酒寂寞伴黃花

寄諸佃楞

虎尾羊腸事可驚頻年憂患苦相嬰絕交豈敢如朱穆入
世誰當恕禰衡慷慨帶刀豪士氣蒼涼擊筑酒人情過都
一蹶非無爲習坎由來未易行

沈在廷字楓墀高郵人乾隆癸卯舉人官內閣中書有
經餘書屋詩鈔

許州

魏武英靈一代雄許昌城堞霸圖空生前吳蜀心思并死
後師昭恨不窮繞郭殘荷餘冷豔參天衰柳咽涼風魂歸

若向襄樊路猶悸燒時赤壁紅

由壽陽至南天門放歌

壽陽出發月光滅夾道犖确馬蹶熱四十里至平定州蒙
蒙元氣山頭結頗嫌陰晦封晨輝忽見霏微數點雪石子
五色錦綴紗枯樹千株眼生纈大壑急流奔弩箭橫峯側
嶺卧精鐵向午曠日煥生春望中傑閣駕寥泝杖策徒步
石路危牽衣屏息人力竭繞膝兒孫讓幾層垂地星河驚
一瞥巨靈掌擘入荒低雷公震鼓四維裂我聞卯次爲春
門字義流傳祖倉頡又聞閭闔開天門浩蕩陽和萬民悅
此門直令天人通羣仙朝會進由闌嶠函空自駭文陵會
稽那及稱禹穴更陋江南臺兩峯孤帆一片波濤折城隅
稅缺欣來游應圖霍山兩奇絕

夜宴曲

朱門田第連雲開主人豪侈何雄哉金釵十二擁燕趙珠履三千誇鄒枚日長不足繼以夜肴由鼎進酒傾壘華燈四照張火繖管絃迭奏鳴春雷方其得意逞雄肆黃金揮灑飛塵埃一食直兼十戶富一衣直費十錦材酒闌人散客歸去更嚴霜重月墮霧乞兒覓食那可得路側城隅空歎息

題印譜後

尉律試八體摹印義乃見甄豐標繆篆實同名偶變大雅推漢京精金百鍛鍊參之以貞珉溫潤足嘉羨信國鐵倍珍忠介泥獨炫迭爭千載奇文房供清讌黃子汲古探史學孰貫穿哀集成一書朱墨分素絢體既用編年例復類

紀傳開卷燦列眉厯厯三長擅我憶櫟園叟印人索殆編
詎若溯周秦邃古如覲面窺子雕鏤心面壁坐深院重子
奧祕才交游廣淮甸笑彼刻楮葉三年成一片西清古鑑
中貯此值千緡

星球圖歌用昌黎石鼓歌韻

分野乃究括地志測象乃讀步天歌按歌制器宗內府縮
以六寸精若何度想穿月掛秦鏡芒近落日揮魯戈陰陽
爲鑑鼓造化桌氏煎錫工措磨黃赤低昂判冬夏元精耿
耿心胸羅入地出地去一握九萬餘里堆嵯峨天圓地圓
本會氏仁智信武融四阿卓哉靈恩合渾蓋磨旋笠冒誰
其呵木周十二火再歲首事東作兼南訛金水一更土廿
八填星不動芒斂蚪五緯熊熊定方嶽遐矚那俟更應鼉

魁秦樞楚識斗柄四照之花三秀柯角亢翼軫守方位烏
兔踈踈如飛梭天漢案戶極縣互波瀾清淺長委蛇二千
五百乃星紀雍南朔東通夷娥伊余卧疴逾十載衡茅伏
處江之沱忽睹異製豁心目揚褻振采嬉天和聖朝右文
重實學熟爛算數尊儒科激水祇用挈壺法刻木輒慮機
械多何如一軸十四器重匪石鼓資橐駝精微欲穿溟滓
入汗漫敢委雲煙過弧矢句股稔成法刻楮累丸切復磋
土圭立不測陰景方諸水斲生金波惟茲圓則燦珠琲力
張樞紐平無頗晝晴夜雨靜可按捫參厯井焉知他文字
更學考工記樸邃微不至屏炯炯雲臺司掌憶法物斗室陳
設供摩挲春秋幸免螻蛄誚宵分可助詩書哦效顰無術
晒刻鶴臨池覓句慚籠鷲晁崇耿詢直突過孟言坐致理

則那中西兩法盡融貫虛車待治成鉢軻克輔妙手削兼
尺慎勿遠怖漠與河出卯入酉諦審視衰年愛景無蹉跎
睡起

空齋足繭坐生塵引睡求書夢未真枉向蕉中尋覆鹿誰
知爨下是勞薪日馳西陸嗟張協病怯東風念李紳迴憶
草生官舍靜卧游聊與畫圖親

讀宋史感鄒志完事

嶺海何須出涕行勝於寒疾困心旌儒生不少當爲事抵
掌如聞歎息聲

諫草雖焚未可輕一緘妄出禍機生新州赦後昭州竄二
客同時有令名

吳昇字瀛日號壺山一號秋漁錢塘人乾隆癸卯舉人

四川候補知府有小羅浮山館詩鈔

丁松生曰秋漁前後述哀詩二十首宛轉悽惻讀之不歡集中與弟秋濃詩甚多令人增友于之懷詩話秋漁以大挑縣令入蜀從勒交襄戎幕參畫軍謀積功擢知府歷權諸郡多惠政蜀人感戴之灌口繩橋見范石湖吳船錄及東坡詩知灌縣時覓故處不可得夏秋怒漲從白沙渡者輒患覆溺乃召父老諮地利重建繩橋以鐵索及笮爲之凡長百二十丈行旅稱便自紀以詩其在川邊諸作雄特峭拔爲時

新兵行

行糧全坐糧半給米論石錢論貫東鄰健兒力如虎西家壯男能伏弩投名入籍報官府領軍馬上持檄來轅門逢朝打鼓今日下教場明日催東裝整兜有纓甲有裳箭羽白雪刀白霜飲徒博徒舊相識送爾黑水之河旁此去殺賊先擒王

鄉兵行

焚爾穀燬爾屋殺人如麻不敢哭忍淚含飢草間伏爾勿
伏賊人索爾劍爾目爾勿走賊人追爾別爾足爾有丁男
爾禦侮十人可什五人伍沿山樹柵路置弩守則鳴鉦戰
則鼓官兵十萬動地來犄之角之惟汝才入賊陣取賊將
首馳歸報捷旗門開大府論功上封事駐馬田間問名字
千夫百夫爾長之昨日村農今武吏長揖縣官投一刺

土兵行

徙都耶笱都耶曲鳥鳥之夷奴耶五十五州亦土亦流罰
不應役牛五十頭頭人舍人不識字蠻語啁啾問通事花
裙小隊跳躍來酒市關門婦女避鼓聲三通角三疊今日
將軍親簡閱殺馬椎牛大饗卒蠻刀割噉口帶血挾爾哈

靶礪爾及密

密語呼箭爲哈
靶刀爲及密

滅賊歸巢未六月

土兵性
畏暑

老兵行

公徒三萬來駿駿壯夫力士紛如雲國中七尺野六尺安
有羸老堪從軍老兵老兵爾何苦曷田爾田宅爾土豈無

若子若弟堪荷戈白頭猶復稱官府

川俗呼兵
爲官府

老兵聞言

笑不止不失聲哭反狂喜自言弱冠充餘丁得補名糧周

一紀轉戰從征三十年半生眠食槍煙裏迢迢衛藏指西

招雪山埋人鋤不起大雕側翅來啄眼飛馬奔回二萬里

將軍厚我老猶健能挽強弓能啖飯解衣徧眎無寸癢矢

石不侵眞鐵漢前年平廓番三載征苗疆夔夔戰鼓響三

峽半夜下令催軍糧帥旗勿勿渡江水行營直到家門旁

家門咫尺歸不得縱使歸來人不識昔年火伴盡高官化

作煙雲纔瞬息不如老兵長不死百戰身經等閒耳醉臥
沙場亦足豪閒將一劍磨秋水

灌口觀漁

西來之水如建瓴漁者陸處煙中汀竹柀汎汎代舴艋
浪穩如平地行不營萬匠筴不結百囊罟漁竿籊籊荷烏
鬼長喙碧睛水中虎冬睛灘落漁唯唯吉日維何王與癸
爲鷺爲鶴儼成行水面合圍森壁壘一聲叱咤風怒號翻
身陡落隨奔濤烏衣隊霎時沒但聞水底逃鱗撥刺而
驚跳須臾鼓翼衝波起銜出銀鱗半窺尾大魚跋扈不受
擒拍拍飛來爭角犄魚籠已滿鷓鴣歸驅之不下亦不飛
漁翁愛魚亦惜鳥大魚入市小魚療爾飢吁嗟此鳥能知
止得少不憂多不喜飽食居然無作容閒閒矚翅斜陽裏

夜泊石潭

秋水生前夕高灘湧大谿驚風吹浪急斜月向人低夜客
沙中語荒雞樹杪嘯枕樓眠未穩欲夢已淒迷

宣府

宣府城高壓暮鴉雲州西望控龜沙秋光雨淡關門柳曉
帳風傳塞上笳邨堡負山皆鐵瓮健兒飛弩勝銅牙不須
更設烏桓府中外於今是一家

幽燕重鎮奠雄圖隍塹重重擁大都洋水東流趨涿鹿寶
峯南峙扼飛狐弧旌在韞星常捲旆幕來巢鳥自呼無限
碧雲西海闊李陵臺畔月輪孤

夜刁無警野煙和漠北塵氛頌止戈箭嶺晴雲橫素練玉
關寒雨簇青螺時平不用防秋急巖冷眞宜結夏過耕柞

安毗烽燧息隔垣閒聽牧人歌

李苞字元方狄道人乾隆癸卯舉人歷官山東鹽運司

運同有敏齋詩草巴塘詩草

吳松厓曰元方少年能詩及官粵西山川悉入謳吟領異標新脫棄凡近

詩話隴西詩人傳作稀如星鳳元方自序謂其鄉人以詩鳴者張康侯晉牧齋謙兄弟及吳松厓鎮爲最著松厓卽其所親炙也元方詩雅有唐音巴塘集得江山之助爲蒨英所萃餘亦多秀句五律如感懷云山月自今古江流忽淺深深谷枕花云不見劉兼阮焉知漢與秦無言亦無憾翻勝息夫人山堂云雨晴梁燕去果熟野禽來香國寺僧送桂花云自願身將隱相憐影亦秋七絕題桃源圖云要知耕鑿昇平日處處桃花親裏人皆清婉可誦

發化林坪住壚定橋

林深反無鳥山曉猶煙霧欲早起卻遲竟爲幽谷誤遵限
徑詰曲傍崖心恐怖澗水分順逆我行異沿沂山木窰官

橋春波漲晚渡故交會面難客館且小住

宿頭道水客館

重掩象肺腑幽深寓耳目峯疑日月避山將天地東飛瀑
頻溼衣懸厓欲壓屋對面嶺雲白隨意階草綠跋涉已半
月淹留忽三宿晝夜風雷響春睡不敢足

早行過折多山

太白引行人行向西畔山腰青一片鞍馬衝煙斷厯坂
遶九折攬轡增三歎大荒飛鳥外茲嶺復天半毫無雲木
秀徒然雪漫漫沙礫所積成嶠嶠空凌亂嶺西夏猶冬重
裘御青豸野飯猶難得勞薪命炊爨

宿卧龍石

蠻民不鑿井結廬傍水滸過客停征驂亦作東道主初夏

日晷長到來已亭午轟轟雷數聲雲腳拖衡宇對面千仞
山上雪而下兩溪草抽碧綫嶺樹翻白羽景色分濃淡高
低異寒暑他日逢雲林煩將畫圖補

再宿中渡

松光照四壁山昏未及酉客悶無可遣吟餘茶代酒野店
寂無人散步道左右峽中天不大尙得見北斗萬籟都不
聞祇聞寒溪吼長途借馬騎明日能行否

自麻蓋中過雪山至西俄洛

昨日穿雲林今朝過雪山咫尺風土異蒼茫宇宙寬火龍
不到處夏日亦生寒凍泉依石瀉清冰作鏡看松杉畏生
嶺避風藏山灣遂令重疊嶂頭禿空嶺吮饑馬恨草短僕
夫苦衣單悲歌猛虎行惆悵行路難

謁少陵祠

郭外草堂寺旁留工部祠老曾憐鬢髮愁尙現鬚眉幕府
秋風客江村春日詩溪花相信久吏隱實兼之

翠竹斜籠徑幽花淺映池交游鷗鳥在心事子規知稷契
生平志乾坤絕妙辭典型垂往哲捨此欲何師

許乃來字遜懷號菊船仁和人乾隆癸卯舉人歷官太

倉知州

詩話菊船始官粵東宰香山其地山海交錯爲桂荷
蘘菊船嚴於治盜而不事株累大府聞有沙尾荷者
爲盜巢縣別有沙尾村謾謂卽其地發舟師往勦菊
船力白非其地乃得免移宰臨桂香山民傾城送之
官粵西遷牧賓州亦有
惠政兩地皆祀名宦

雨雪書懷

山向湖東萬笏開翠峯寺接兩花臺參禪欲作逃禪客濟

世誰爲不世材偉壯風聲催雪去迷離樹色趁雲回莫將
冷淡嗤生活聊假蠻箋自遣懷

劉東里字也僑慶雲人乾隆癸卯舉人官費縣知縣

嶠函懷古

兩峯高矗鬱蒼蒼舊說山河百二強天轉星辰迎夏后山
排風雨扈周王神皋東據西都賦鬼哭今留古戰場欲弔
興亡千載事淡煙衰草又斜陽

蒙陰道中

歲晚蒙陰道崎嶇翠靄間野泉流廢路黃葉染秋山村酒
留人醉清風送客還寒雲遙望處疑是穆陵關

李符清字仲節一字載園合浦人乾隆癸卯舉人官東

鹿知縣有海門詩鈔

海幢寺

城市忽已隔林泉遂見招盈盈涉珠江望眼增迢遙小艇
呼猿人駕以木蘭橈僧雛解好事爲我茶瓜要入門優曇
香花雨氤氳飄長林蔽修景天籟鳴刁調塔鈴語云何如
聽風過簫比邱三五輩宴坐圍松寮一聞梵唄宣餘聲靜
不囂俄頃鏗華鐘汨起滄江潮馮夷跋浪舞靈怪爭來朝
神魚似銜珠鮫人或獻綃所過皆殊境頓覺心神超始知
青蓮宇變幻非意料栖栖塵土中無乃同鷓鴣

登冠頭嶺礮臺觀海

我官北海家南海居海今初上海門大壑有時跳日月洪
波終古盪乾坤礮筒天半蛟龍舞網集沙灘鳥雀喧安得
仙槎浮我去直窮牛斗問仙源

彭城夜雨寄家兄菽園

河干一夜聽蕭瑟
春雨淒同秋雨聲
惆悵對牀人
萬里果然漂泊在彭城

九日峽山寺登高

十年夢隔飛來寺
九日舟臨凝碧灣
叢菊三秋開竹徑
飛泉百道響松關
空潭犀去沈金鎖
古洞猿歸解玉環
佳節幾能逢
勝地峽山今日擬龍山

七夕立秋大雨

涼飈騎月洗炎氛
併作迎秋乞巧文
天上雙星塵世雨
陰晴祇隔一層雲

翁咸封字紫書常熟人
乾隆癸卯舉人
官海州學正
有潛虛詩鈔

聞鶴鳴

涼露滴清響，倏然孤鶴驚。松間夢初斷，花下舞還輕。野迥
籟聲絕，天高秋氣橫。此時應獨立，一吐望雲情。

過金山

江面一峯秀，江聲繞寺寒。樓臺空際現，雲樹鏡中看。贈帶
風流在，分泉意興闌。蓬萊原可到，惆悵避迴湍。

海棠吟

錦城纈林擅春色，名花二枝香一國。照眼紅妝絕代姿，笑
風泣雨情無極。天然豔冶去雕飾，勻粉施朱淨如拭。銀燭
高燒金屋深，護持憑仗東君力。滿院春陰作寒食，游絲穿
柳當風織。紫燕銜飛上畫梁，紛紛蝶散雕闌北。惜春底事
爭相憶，冉冉春光惜不得。香霏閣上捲簾看，杜宇嗁殘暮

雲黑

豐臺芍藥謠

揚州夢斷狂飈起綽約花魂度江水異香片片團作雲飛
墮豐臺幻紅紫豐臺芍藥顏色殊萬花作會鋪錦璵就中
一枝最妖豔玉盤捧出傾城姝王孫賞春蕩春日量珠買
春歡不足曉來金彈打黃鶯蝴蝶卻依花底宿可憐三月
羣芳殘獨攜豔友凭雕闌隔幕風搖綵旛冷酒澆婪尾留
春難粉醉紅酣日將暮葉上愁題別離句一聲鶉鳩怨春
歸絮亂絲繁夜迷路

瓶花歎

灼灼瓶中花可憐顏色好色好已離根芳菲亦難保

李簡字廉村號有山武邑人乾隆癸卯舉人官廣平訓

導

詩話廉村搜輯歷朝畿輔詩卷帙繁
重陶冕薊編次畿輔詩傳頗取資焉

秋夜

六合湛明月高齋月影中池渾成積水人似在遙空清響
風敲竹秋痕露浣桐悠然雲漢表應許夢魂通

楊興植字世滋號蓀甫新化人乾隆癸卯舉人

望華嶽

崎嶇越雄關振策及清曉遙天翠巘橫巘峴入雲表停車
問居人指點巉崖巧四方類削瓜三峯如卓犖明星插漢
高玉女綴日小巍巍白帝宮鬢鬢蒼龍道磊砢不盡洩突
兀殊未了元氣所鬱盤金精盛環繞平生好奇偉山水足
登眺何期燕臺客復遣吟西顛將尋衛叔卿或覓希夷老

深參出世心庶緩愁腸擾

宜溝驛紀事

漳水之南宜溝驛野潦縱橫古道失太行風雨從西來勢
如萬馬衝韁逸我車縱轡越平岡斗逢山漲來汪洋僕夫
不幸入坎窞馬蹶車翻水入箱電光礮礮珠落人影何
殊雨淋鶴後車冒雨至倉皇始附前軒覓棲泊行囊檢點
雜泥塗且趁烈日鋪階除破帽敝裘俱被毀殘書禿管亦
遭汚吁嗟乎紫綬金章不可得玉軸牙籤購無力區區篋
笥豈逾分忍使書生削行色人生憂患來無端得馬亡羊
事渺漫當前有酒須痛飲幸勿悲歌行路難

野望

寒綠遠霏霏春城花事稀雪消江水闊日出嶠煙微小舫

臨巖渡雛禽趁母飛荒郊游屐少人面已全非

朱需原名榮朝字熙佐一字約齋黟縣人乾隆癸卯舉

人有望嶽樓詩

劉海峯曰古詩蒼蒼莽莽有磊落不羣之概 錢竹汀曰約齋孝廉研精經學著書滿家而詩格豪放兼有昌黎眉山之長近體清婉似王文簡可見胸中無所不有也 王鐵夫曰卷中精峭處如落葉有歸心諸語殊近閩仙高亮處如江聲抱佛樓諸語又極似錢劉要其學力排異一氣轉舒則自讀書之力而又勝也

借宿七里溝田家

樹裏一燈明入林間犬吠田家荷鋤歸偶此成酬對陰房
土花斑風窗紙條碎三更亂泉喧微月上牆背不待荒雞
噉車聲響瓜埭

舟泊浯溪觀顏魯公所書中興頌碑刻歌

營州健兒胡旋舞三郎西走鈴淋雨大唐玉璽日角歸白
衣黃衣擁靈武承平無事李郭閒內家張后外李父道州

刺史攄國憂灑西賊退示官府有時奮筆頌中興涪溪中

開石壁豎歌功象德臣能爲那慚粹美譽皇甫旁有皇甫湜詩石刻

云中行雖富劇 晤臺二銘荜荆榛瞿令玉筋文無覩黃魯

粹美君可蓋 有晤臺東堂二銘在荆棘中乃江華瞿令玉筋篆文篆甚工余徧尋不獲 平原太守顏清臣下

筆著石如沒羽懸崖突出作覆簷穹碑千載無泐腐滄江

陰雨愁蛟螭古洞荒月走狡獪眞成細肌入鷹骨豈但猛

力強牛弩想起挺筆神肅恭冕冠疑立紛紉組我皇神武

玉檢封微臣奏技忝台輔二十四郡鑒臣忠江淮睢陽同

砥柱甯知白首歷三朝令公老去鄴侯拒宮人菩薩裝道

場武士金剛作神主冀魏齊趙迭僭越翻使忠良死僞楚

我來訪古忽涕零摩挲石壁首重俯精光直貫牛斗寒碧
血難蝕土花聚當時誰見端書人野花嘯鳥空沙浦西江
涪翁鬢如絲斷崖僵立指畫肚大書深刻落珠璣已並顏
搨供人取猶云老矣不能爲可惜少游歸黃土名士尙憂
文不傳而況我輩爭腐鼠春蛇秋蚓工未能祈蠶老死等
沙戶嗚呼人生不作顏平原氣掃欃槍蔑貔虎猶當出作
元次山萬口顛連待字撫浪游狂詠等塗鴉文士追隨甯
足數相如不貴復不文封禪遺篇合一炬迴舟堅卧月光
沈夜半寒猿叫枯樹

山家

一峯行過一峯深到得山中日漸沈百道瀑泉穿木杪數
聲嘯鳥背松陰雞豚家慶昇平日藝植人存太古心愧我

風塵猶未息欲攜書劍入雲岑

喜晴

外病兼旬雨復濃聞晴喜欲步村東雙松齊出平林上一
鷺孤明野水中斜插竹竿扶柳起盡挑莎草使渠通數聲
山雀閒庭晚添得圓榴葉幾叢

和于滄巖明府東湖曲

鄱湖水長浪花蘆東湖清淺漾菰蒲采罷蓮花采蓮子留
郎莫遣出鄱湖

浮舟寺裏木蓮開薦福寺前黃葉堆輪與僧家來往便漁
船纜過酒船迴

去年曾約泛湖游今日花開獨倚樓莫怪歸期還失信
潮原不到湖頭

湖邊嬌女怯春波，欲浣春衣愁奈何。不唱洗紅及白紵，年來學得懊儂歌。

張秉鈞字平伯丹徒人，乾隆癸卯舉人，與弟秉銳合編護壽堂同懷集。

寄江上故人

高城一嘯撫刀環，客淚揮殘夜雨漣。萬派雲濤接巫峽，十年心事負名山。湘邊鼓瑟峯初出，江上懷人夢乍還。卻記故園相過日，讀書門對落花關。

西近垂楊閱武堂，慣教走馬上圍場。呼鷹壯士鞞雙斧，聞雁征夫淚一行。滿地刀礮閨月冷，接天風雨楚臺荒。孤身去國四千里，珍重音書遠寄將。

李懿曾字漁衫江蘇通州人，乾隆癸卯副貢，有紫琅山

館詩鈔

詩話漁衫少負才名三中副車考授州判改教職丁卯春謁選都門爲馬踐死極文人之厄運詩有藻思近體

尋瘞鶴銘

焦山峭摩空其下則水國誰知懸崖間挂此數行墨愛鶴成鶴癖鶴死瘞山側鶴本神仙姿魂魄游入極茲銘亦天人人間詎易得或云逸少銘或云貞白刻或云顧逋翁好事競窺測我愛竹垞言必非唐後勒萬古照寒流魚龍不敢蝕我尋潮落時蘚深半不識風濤夜有聲月影松檜黑

千佛嶺

一石嵌一佛一佛占一石碎拆金蓮花亂插雲窩窄想是古先生亦有米顛癖

春曉曲效飛卿

汝南雞聲破天黑
棲烏啞啞林中出
銅槃七尺珊瑚枝
紅淚闌干曉不得
粉壁斜輝淡曙光
博山餘香凝洞房
綃帳微波星靨靨
欲眠不眠穿錦襜
披衣卻立撫象牀
瓊鉤四角垂明璫
玉窗峭風利花箭
杏梁日射芙蓉面
豪犀剔罷春愁生
櫻桃花紅隔簾見

晚晴移詩匯卷一百四終

晚晴筴詩匯卷一百五目錄

茹荼二首

成書十二首

吳芳培六首

文翰二首

張端誠一首

邵玉清二首

李驥元十一首

魏成憲二首

張德懋二首

葉綦二首

費錫章七首

錢清履四首

柴杰三首

徐鏞慶六首

賈汝愚一首

薩玉衡三首

楊灝二首

孫劬一首

王學浩六首

沈嶧二首

孫星衍十首

吳烜一首

馬履泰 三首

李如筠 四首

顧鈺 一首

錢豫章 二首

翁樹培 六首

楊夢符 六首

劉廣恕 一首

沈叔埏 六首

宋鳴珂 二首

周鏐 二首

陸元鉉 三首

何道生 五首

尹英圖 一首

劉廷楠 三首

顧敏恆 二首

沈清瑞 六首

晚晴移詩匯卷一百五

徐世昌

茹棻字穉葵號古香會稽人乾隆甲辰一甲一名進士
授修撰官至兵部尙書有使竟使晉使楚使南使藩
詩草

刺桐花

黃童墓下聽排衙定省餘閒坐碧紗今日重來遺老盡道
旁開徧刺桐花

晨起

晨起竟何事檐前宿鳥催履畦嫌水漫倚檻待花開藥餌
供多病關山老散材奚奴解常課先洗品茶杯

成書字倬雲滿洲旗人乾隆甲辰進士授戶部主事官

至戶部侍郎贈都統有多歲堂詩集

詩話傳雲爲寶臣尙書鐵良高祖以樸誠結主知嘉慶中疏請保護聖躬言人所不敢言因事屢遭譴論幼好吟詠年十六作春雨詩以才調見長及入秦隴後詩境日高五古近杜七古近韓

春雨

一夜雨聲遲清寒生薄帷今朝庭院裏誰詠落花詩柳色青垂眼山光淡掃眉殘春知己盡攜酒聽黃鸝

芹泉用趙秋谷韻

雞鳴戒征鞍殘月猶在嶺很石出犖确倦客畏馳騁徐行得佳境欲過心猶耿平沙埋馬蹏小雨不作濼回頭看亂山直若脫陷穽少焉天宇闊日出萬峯頂空翠澗谷陰峭蒨竹柏影平溪清見底潔不容鼃黽草屋傍山田百家共一井人稀雞犬靜徑僻荒穢屏田家聚妻孥操作趁朝冷

對此念鄉閩我心更孤迥茲行方未央歸轡何時整輪他
田舍翁飯熟呼不醒

潼關

邃岸天高澗道躡連雲戰壘列崔嵬黃河一曲環城去華
嶽三峯劈面來練卒骨寒桃塞月尙書血碧柿園苔覆車
千載真同轍降虜捐軀盡可哀

望嶽

關門積宿陰初日猶黯黯清風蕩晨煙嶽色不可掩三峯
拔地起突兀勢非漸青天削芙蓉秋水見菡萏蒼高撐影矗
矗峭刻意斬斬羣山遠羅列趨附若阿諂森然白帝尊壁
立凜莫犯蒼茫古三輔勝蹟皇圖覽八州會地形兩戒劃
天險巨靈擘其拳一手欲眾攬金天肅殺氣萬古不自貶

憶昔曾夢游巉巖墮心膽鐵鑱怯攀援石徑記坑坎今來
咫尺間阻隔抱深歉巖壑想彷彿臺觀虛指點遙望白雲
封萬景入奇斂爲我謝山靈少勇老未減東歸儻如願赴
險吾猶敢

嶽祠

潼津直上車隆隆綠楊夾道馳青驄太華可望不可到小
憩暫謁金天宮尊嚴廟貌象丹闕人力不逮疑神工入門
一徑翳天日列植漢柏兼秦松升階俯首拜深殿神魂謬
謬欽聲容巍峩自帝據黻座神威肅穆尊彌恭眾眞立侍
各執事大冠長劍威儀同十王列庶聚羣鬼或置鼎鑊加
磨春窮姦變怪狀千萬森羅果報驚愚蒙轉屏環柱出殿
後橫廊直互趨深重紅裝十隊肄舞樂修眉秀頰爭昌丰

洞房陰陰窗牖靜畫簾高卷香羅紅衣桁盥洗紛位置兒
孀女烏筐篋充衾枕粲爛煥雲錦冰綃作帳輕煙籠帝妃
端坐燕笑語意態真有齊眉風廟令老人事神久房幃曲
折無不通手持管鑰導我入誤驚閨闈心忡忡我聞華嶽
作西鎮興雲降雨參天功惟神正直司肅殺秩宗典禮方
三公眞宰眞漠太虛朕豈有家室相和雍嫁女奪婦事覺
見荒唐誣讖眞齊東愚民無知好蠱媚遂以猥褻明尊崇
神之所依甯在此誰爲戶喻開盲聾茶餘扶倦上高閣俯
仰百態舒心胸須臾雲散日卓午晴空劃出三芙蓉

峽口

向夕陰風來亂山漸蕭索兩峯忽相參再轉境彌惡峽深
天欲斷道窄壁如削陰崖無草木盛夏亦光濯狼石積鐵

黝奇狀獻斧鑿負隅猛虎蹲作勢厲鬼攫濛濛黃霧映慘
慘白日落久役亂驚魂畏途愁病腳出峽稍平曠石轍猶
犖礪神傷自昔然何心記邱壑

黃蘆岡

沙草黏天落日曛伊城鼓角隔宵聞邊民爭識新都護遺
老能言舊使君未報殊恩輕絕域近編家集續從軍黃蘆
岡上秋風起獨倚危樓看暮雲

雨

大磧千里平不頗陰山雪流爲眾河土人知風不知雨亢
旱不死田中禾三伏濃陰偶一見或飄點滴無滂沱今年
六月忽大霈天公有意脫白窠雲雷之師赴新令嚮所未
到初經過霹靂一聲聊小試亂唬兒女驚翁婆雖然揮灑

無半刻牆津屋潤庭生波須臾雲散皎日出綠楊高柳新
枝柯天清地曠靜氛翳平沙貼地無坑窩人言雨隨使君
至洗滌戈壁除煩苛此言孟浪不足道少見多怪訛傳訛
皇王德化近及遠窮荒漸喜陰陽和豈有人煙富生聚可
無雨露銷沈痾貪天之功聖所棄慎無出口高明詞

廟兒溝

亦自成村落翻憐絕市喧野花紅自媚雜樹晚猶繁古寺
依山立殊方見佛尊曉來風日好沙水亦潺湲

塔爾納沁

亂石卧斜陽孤城接大荒秋原認禾黍低草見牛羊煙火
新屯聚風雲古戰場無由問沿革獨立向蒼茫

平浪神祠感舊

轉眼韶華四十秋此身直擬泛虛舟重來古寺人如舊尙
有殘僧記昔游隔院軒窗堆瓦礫故園祠墓感松楸一官
流浪成何事坐對庭烏歎白頭

發葉爾羌

河湯湯沙茫茫鳥飛不到胡天長秋風未起氣先肅胡桐
葉淡天雨霜僕夫早起車載牽相與踴躍營歸裝竄逐窮
荒二萬里羶腥乳酪成馨香久與兒孫作死別五年不復
夢故鄉今日生還的有據驅車轉覺心徬徨氈裘君長抱
馬足譯語略通神慘愴漢使如天比父母使君棄我何蒼
黃異類有情相處久別之亦覺情內傷無德與汝愧遠送
片語相贈休遺忘屬賓生靈百萬戶女絲男穀勤耕桑汝
門忠孝著奕世好爲聖主修邊疆但使休和薄稅斂自然

鞏固如金湯老夫不復更來此精誠與汝遙相望

吳芳培字霽霏號雲樵涇縣人乾隆甲辰進士改庶吉士授編修官至兵部侍郎有雲樵集

散策

獨坐苦無聊散策城南寺恰近日中期鄉里趁墟至寄賣
兩廡下擺列書畫肆偶然一觸目惡札墨豬字破爛小說
本唾餘人所棄詩文新剗刷錦函藏篋笥檢閱一二卷令
人昏欲睡有客喧呼來云是迎官吏風塵眯我眼急欲出
寺避出寺逢丈人衣冠與俗異邀我欲同行情款頗真摯
無奈一啟口便足敗人意強作爾馨語啗哈不見愧豪門
及顯達丁甯問再四我笑不欲答揖別如展翅牆陰見特
牛飽食眠貼地相對惟牛好不問人間事

舟中望九華山

五月買舟潯陽道水色天光入懷抱御面貪看兩岸山連
崖不斷蒼翠好搶風直下皖城東江邊煙霧清若空瞥見
天工刻削青芙蓉使我一朝豁然明雙瞳雕鏤嵌空花萼
秀玉樹交拂雲霞紅巘岼迴出眾峯表岡阜那敢與爭雄
譬如畸人逸士昂然立衣冠鬚髮不與尋常同昔時太白
欣見此名以九華易九子夢得平生歎奇絕不讓太華及
女几我亦見之發狂叫急欲扶筇躡雲嶠峭帆風緊不可
留末由登陟逞閒眺迄今默坐憶山容獨覺玲瓏呈萬竅

登齊雲山頂

四顧無高阜羣峯此獨尊泉聲雷萬壑雲氣海千村路轉
蜂腰細崖空虎迹存何年方外客化石立山門

和齊芸二弟新秋感懷之作

曲肱敲卧小園東，寶鴨香殘午篆空。
熱不因人荷上露，惠而好我竹間風。
睡魔每到愁城伏，詩將全憑酒地雄。
盡日捫心思往事，寒鐙夜雨與誰同。

金陵道中

岸邊山色綠嵯峨，旋放輕舟入汜河。
郡郭尙遙先見塔，江流已遠欲無波。
避人沙鳥驚飛去，招客湖菱喚賣多。
隔浦寒蘆孤月上，清宵伏枕聽漁歌。

雞鳴寺望後湖

寺在雞籠最上頭，後湖千頃望中收。
綠蘿叢裏曾書庫，白藕香中只釣舟。
北極浮雲孤閣迥，西風殘照六朝秋。
一聲玉笛紅牙拍，腸斷秦淮舊酒樓。

文翰初名文甯字連舉滿洲旗人乾隆甲辰進士官至
刑部侍郎有精勤堂遺藁

塞馬

塞馬無聲齧草根春寒野曠步黃昏誰家豆棧難忘卻又
逐牛羊入遠村

出古北口至狼窩汎卻迴射堂漫賦

山館無人慰寂寥尋春不見思迢迢花如隔霧開林圍柳
已含煙映野橋輦路沙平初過雨塞河水淺亦生潮流連
光景酬霜鬢款段經行廿里遙

張端誠字硯溪南皮人乾隆甲辰進士歷官順天府府

丞

西園卽事

端居人跡少檻外日初長春雨不成點桃花紅過牆閒雲
停作片虛室靜生香自笑從前抽輪蹶爲底忙

邵玉清字履潔號朗齋天津人乾隆甲辰一甲三名進
士授編修歷官司業

題綠陰春泛圖

最愛風光好江南二月天波平楊柳岸人上木蘭船樹近
層樓隱雲低遠嶂連勝游成往事夢想已多年
咫尺橫塘路披圖逸興遙春深鶯語滑風軟柳容嬌欸乃
聞柔艣依稀渡小橋雙柑攜酒客畫裏坐相招

李驥元字鳧塘蘇州人乾隆甲辰進士改庶吉士授編
修歷官右中允有李中允集

王蕭泉日鳧塘詩有奇
氣與兄墨莊工力悉敵

詩話法梧門稱惠塘苦吟每構思屏棄一切有薛道衡陳后山之風然其詩並無艱深之語五律最擅勝場如夜行云霧濃山月暗林缺寺鐘明所思云雜樹花仍發三江客未還野望云霜凋秋樹瘦雲補遠山肥皆名句也

別姪朝礎

潞水東歸海潼關北護秦此行重陟險相望各傷春雨暗
山中樹雲高馬上人莫忘癡叔語努力愛吟身

所思

春風無待約特地到窗前雜樹花仍發三江客未還斷雲
依海水晴日遠吳天世路艱難悉歸來枕石眠

喜墨莊兄回京

三載天涯滯歸無別物持江山吳越晝煙月魯齊詩談至
日斜後飲觀星出時家庭殊旅宿歡笑自忘疲

野望

策馬城西望郊原帶夕暉
霜凋秋樹瘦雲補遠山肥
躍水參魚樂橫空慕雁飛
偶偕農父語昏暮尙忘歸

寄姪朝礎

醒園當日共嬉游
采菊東籬趁晚秋
步月每過延月洞
穿雲多上看雲樓
曉逢村媪沽新酒
日伴漁翁戲小舟
回首故鄉千里隔
思君況動別離愁

得家書作

羈人每恨得書難
比至書來不忍看
已爲家貧傷米貴
何堪歲暮惜衣單
霜枯塞草山俱瘦
雨減汾河水正乾
好挾太行雲兩片
相隨征騎到長安

定興道中遇張叔舉翻檢討同年典試陝西回京

父沒不扶歸母老不侍旁積此萬古恨饑驅游他鄉南風
蒸六月客子汴梁歇西風下太行艱險磨瘦骨瘦骨不自
怨雲飄海東去回憶北堂萱意馬索難馭君歸步金鑿天
顏爲之歡願一見吾母言驥身平安家遠知自愛天寒知
著裳勿爲游子念倚闥朝暮望

澤口

楚天遲雪霜千里青不斷舟將嘉樹迎目隨遠山轉篙師
午繫纜游子夜登岸岸連天上月沙聚雲中雁人來雁行
飛河動月光亂蔣蒲碧叢叢鐙火紅爛爛楚女不冶容門
中自炊爨烹魚復煮酒殷勤供客案太史若觀風茲風自

江漢

天雄關

左排山萬峯右包江一道轟轟天雄關衝霄崖未了地鳴
鐘鼓多天入秦隴小波濤碧油油霜霰白皓皓自經閣道
行羣山拓懷抱及茲厯益峻如鶴凌蒼昊莫去尋山僧僧
歸白雲表

龍洞背

逆龍引秦水直向此山送山靈塞前途雲崖密無縫龍怒
張爪牙穿石遂爲洞千里闢成河一門開若甕水聲與石
聲今古兩相闕山中何所聞來去鳥音哢幽意快心曲徐
攬青絲鞵

贈何雲峯

去年殘臘天雨霜吾子墨纒登我堂躑躅哽咽聲不揚邊
塵染衣風透裳爲言乃父歿異鄉仕宦致此心摧傷生前

故交歿後忘昔周人急今空囊劍關迢遞秦隴長丹旄何
由歸梓桑我方鼓缶歌悼亡絃琴斷絕難更張側身三晉
觀樂陽山魍噉泣魑魅狂何處招魂陳酒漿束裝無策心
茫茫今茲垂柳復垂楊安得送汝歸金堂

魏成憲字寶臣號春松仁和人乾隆甲辰進士歷官御
史有清愛堂集

舟次曲江題家書後

每日扁舟向翠微鷓鴣相喚燕交飛春從薄暝輕寒過人
自三楓五渡歸西笑底須愁索米南禪曾此話傳衣預思
櫻筍登廚候到及林園綠正肥

余將出都伊墨卿邀同羅兩峯鴨法時帆式善馬秋

藥履泰汪劍潭端光李石農鑿宜蔣礪堂攸銘曉

過崇效寺看花歸集寒玉齋餞別

高柳青浮積水涯，輕陰漠漠帶初霞。
會藏人海仕如隱，頻款禪房心出家。
舊雨歡場鴻印合，春風香徑燕飛斜。
一尊更盡情難別，爲有此君共此花。

張德懋字允昭號芥洲又號研儂滿城人乾隆甲辰進士
歷官戶部員外郎有石蘭堂詩

清化驛早行

蘭江渡後又涔河，複嶺重岡策馬過。
蟋蟀咽涼秋思早，樓欄戰葉曉風多。
萍花一畝分鷗鷺，松徑千山暗薜蘿。
我欲揚舡問湘浦，大江渺渺洞庭波。

題寓齋壁

丈室重開選佛場，依然三宿戀枯桑。
但知坐嘯依修竹，不

信無詩到海棠隔院樹陰涼送雨入簾花氣夜添香由來
吏隱多蕭散未羨中書食萬羊

葉綦字履仁號栗垞東陽人乾隆甲辰進士有栗垞詩

集

出門

試鐘風裏道途寒臘雪經春尙未殘客路便從鴻外去家
山猶背馬頭看飢來驅我悲元亮熱不因人愧伯鸞難忘
臨行慈母語出門辛苦屬加餐

晚風料峭襲黃昏燈火沿隄過幾村越客淒涼方卧雨吳
歌斷續易銷魂鐘聲虛隱寒山寺橋影斜通破楚門何日
蘇臺楊柳色泥人懷古倒芳樽

費錫章字煥槎號西塘歸安人乾隆甲辰召試舉人歷

官順天府尹有一品集使黔集

詩話西塘於嘉慶十三年奉使琉球清介自持不辱君命觀其致中山王卻金一書辭義凜然而琉球紀事詩一百韻尤可備此邦掌故其詩善道人情及刻畫物狀清和宛轉蔡叔子所謂雖無骨幹然亦庸立也者

宿蘭山驛寄輓宋小坡給諫

澗

揮手征途涕淚新那堪重話去來因名高大諫偏無祿壽甫中年況有親往事煙雲真若夢異時桃李可成春清泉一勺君知否同是西臺被劾人

姑米洋候風

海中無可灣泊惟有隨風盪漾所恃者一桅片帆而已

萬濤圍一葉四顧更無舟不辨魚龍氣真成日夜浮天圓低似蓋水活碧於油欲問蓬萊路神仙未可求

泉崎夜月

伊所集言題卷一 下五
蓬瀛望不極復此憩流泉共許心如水相看月在天歸雲
籠島樹遠火黯漁船回首中華路幾疑傍斗邊

紅梅松

世間異物難理揣松不在山轉在海輪困蟠屈勢天斜龍
宮夜夜騰光彩想當日月浴波濤萬策沈浸醞如膏馮夷
手種天吳植染將青鬣成紅毛奇材不肯自埋沒風來突
與潮爭高潮退漁人恣競折七尺珊瑚硬拗振夷官持贈
種糞盆淋漓猶滴蛟螭血初時腥氣撲人衣日久亭亭漸
修潔攜歸中土耀殊產芸窗日夕芝蘭焚雖無南粵千金
橐且載東溟一片雲

琉球紀事一百韻

積水通陽谷橫流劃大荒山從波底拔人向島間忙噴薄

魚龍氣昭回日月光溯源盤古埒戡亂舜天強

琉球與日本同爲人

皇後裔天孫氏之世其臣利勇擁衆自立舜天討而誅之衆推爲主

遺種滋蕃育餘黎寢熾

昌隋書名始著明史氏初彰

承樂中賜姓尙氏

久矣懷中夏幡然

恥夜郎艱危勤櫛沐宛轉梯航蚡蚘纔開楚椒聊已詠

唐翼緣侵沃滅虢亦恃虞亡自此連三省

舊爲山南山北中山三國明承

樂時併而爲一今稱三省

因而擅一方辨戈

開國神名

承系統當壁驗真王

世業經興替私衷倍悚惶首先依定鼎

順治三年卽進表請封

踵接

賀垂裳序次句驪右班聯御幄傍袞旒施祖考幣帛逮嬪

嬙奉朔遵時憲于東奠土疆戚休榮眷注災患許扶匡習

俗沿蒙昧專員代測量

康熙五十八年遣八品官平安測暈與吳越同屬女牛之次俱在丑

宮地稽吳越近星訂女牛祥屬籍刊盟府功宗紀太常五

朝修職貢七姓效劬勩

明洪武間賜閩人三十六姓爲通事今存七姓

厥筐陳蕉

芋充閑罷驢驢

向例貢馬康熙二十二年奉旨停免

蠻箋繙側理陰火劇疏

碩扇冀皇風拂刀呈武庫藏

以上所貢物

鑒誠恆獎納厚往必

優償睿藻頌題額彤雲擁畫梁戰圖麟閣貯輟賜雀屏張

彝器罇兼貞奇珍瑰與璜纘紛周黼黻斑駁漢琳瑯

以上歷朝

賜既普菁莪化

向淮官生入監讀書

還貽翰墨香凡茲宏在宥孰是

感能忘迺者遭多難嗟哉悼幼殤告哀循故典嗣服進郵

章舉國知重耳羣情愛子臧痛維萬庇本敢謂雁分行攝

位仔肩荷殫精庶政康慎封虔鎮撫主鬯爰蒸嘗惟帝恢

無外宣綸出未央八駟迎蕩節雙舸下蚪洋存歿均肅怙

君臣儼對揚祭憐新鬼小

前王尙成薨甫四歲

恩溥舊邦長載啟延

賓館咸升敷命堂

天使館

瓦甌攢玳瑁

瓦門牡闕鴛鴦上

刻雙溝道圍棘姑羅樹

名

幹崇塘礪石牆赴桓屯虎旅風脫

拆蜂房筋吹晨昏劇餽牽旦夕將輓輪划獨木船供億頂

柔筐凡物戴而不負亟見臺來餽翻愁跑用傷赤足無履醪醴澄酒醴

霍霍伺豬羊束縛蛇皮黑支撐蟹距黃輝烘乾噬腊米嘔

膩含漿漫說類加飯何曾慙徹薑蕪菜之外無一不腥平生幾食料

異域具膏梁好證游仙夢遐思選佛場敲棋疑鵠至仿帖

眩鸞翔文憚韓蘇健詩驚李杜芒沁脾咀蔗尾燥吻擘瓜

瓢不暑晴添熱非秋雨送涼蛟涎朝更毒蜃霧晚尤滄蜥

蜴聲如鵲蚊蟲陣若蝗但逢寒煥換便覺起居妨吟嘯消

岑寂登臨展眺望攜童尋勝蹟杖策步層岡迤邐停舟港

參差繫馬柳兩崖排鐵板沙百雉鞏金湯融結成都會衣

冠萃濟蹠歸仁島名王子分守之地藩分壯守禮王城名燕詒慶井養

疏泉寶師貞戢劍鉞第一寶劍彼申宮嚴禁衛微道設亭

障彌教爰增律

新定刑律十八册

譽髦並建庠

新建學宮前此富但有至聖廟

須廣樹藝暇即浚池隍欲繼前規擴全憑治法良順途招

父老憩坐話農桑亦有土絲質樸形殊瑣兜離語卻詳公田卿

以下世祿俱有采地借樂歲之穰薯蕷貧家糗粳茨野處糧錢輕

鳩目錢名刮筆硬鹿毛僵剔抉螺稱貝陶鎔錫號銅民龐羞

狗盜境無盜賊里美賤狐倡紅衣人皆來自外島本地無之志錄猶仍誤咨譏

待細商迢遙南暨北荏苒露為霜聆樂偏惆悵聞雞每激

昂掃除徐孺榻點檢鬱林裝贈賄儀終褻堅辭意豈僭七

宴金二百六十二兩豐儀銀五千兩俱峻卻之哀編皮蓋篋纂治平要略已得二十卷叢繪襲

巾箱繪渡海册封及各種文螺大蛤等圖容靜搜殘帙奴頑笑澀囊駢倉深

比穽麻力海船坐卧之處矮於牀吉果圓揉粉彩球音讀若銀糕滑糝

餽菜肥拳苜蓿麩潔磨桃榔皆所贈行禮信宿奚求備綢繆日

預防喧呼伐鉦鼓踴躍挂帆檣隱念祈呵護齋心默禱禳
再看濤滾滾又涉浸茫茫熟路滄溟闊恬瀛聖澤懷回頭
夷壤杳屈指嶺梅芳曼壽皆歡喜千官正拜颺微忱徒縈
纒倖直後趨躑躅縹緲瞻壺嶠晶熒認角亢乘槎旋海屋願
晉萬年觴

樊城感左甯南事

沿江星散左家兵犄角荆襄勢不成未必將軍真跋扈轉
教羣盜得縱橫兒童罷唱銅鞮曲塗巷虛傳鐵馬聲百七
十年遺蹟盡襄城回首暮雲平

大霧行辰溪山中

毒霧曉彌漫騰騰氣蒸釜煙雲復與會有日不教吐層疊
湧不窮自朝直至午見地不見天馬上首恆俯初疑衣裳

冷著手溼如雨漸覺頭冬烘涔涔類中蠱幸皆飽餐來不
然入肺腑人生未閱歷但樂那知苦頗憶江南天薄霧亦
常覩一葉搖輕舟空濛指遠浦最好夢迴時呶啞數聲鶻
錢清履字履徵號竹西嘉善人乾隆甲辰舉人歷官湖

北白河口同知有松風老屋詩橐古芸樓詩鈔

詩話竹西爲恭恪公孫鶴雲觀察子嘗宰蘄水嚴斥
城清戶籍發姦捕伏甚有政聲六十後告歸以清望
式鄉里平生喜爲詩輒軒續緣采登數篇皆官楚時
作晚年病楚而其子遠游不以時歸老懷怆怆恆見
於篇

病不出門詩柬孫白軒毛芳谷范聽庵三君

聞道吳閶二月天清明時節起新煙塘橋綠水尋花柳湖
舫紅燈醉管絃憶昨閒情曾翫賞知君勝地更留連自憐
跛腳南窗下空夢珠樓綺閣邊

夜雨十二韻

徹耳淋浪雨黃昏不住聲
銀鐙微燄淡布被嫩寒生
滌滌簷承溜沈沈柝轉更去
微熏艾蒻煨藥響爐鎚梅豆將黃
熟苔斑已碧盈瓦跳珠錯落階觸玉
瓏琤遙想田渠滿還知港漲平
溪邊閒立釣隴上苦鋤耕石燕衝雲
拂林鳩繞屋鳴麥畦藏雉雉柳岸歇
唳鶯似此連朝霏難教十日晴
我愁如草長點滴夢頻驚

芭鄰方伯新建梁高士祠徵詩

江東步兵蓴鱸歸江湖散人釣具隨
姑蘇臺上麋鹿走胡爲越相吳中祠
三高應黜鴟夷子祀典莫若扶風宜
霸陵山中耕織隱居齊居魯猶何之
趨來吳市賃廡下布衣椎髻偕賢妻
定交杵曰敦古意伯通相遇心相知
生前著書

當季漢死後穿冢鄰要離茫茫時代千百載漆鑑堂斧難
尋遺忽看崇煥屋宇建棲靈定在皋橋西瓣香虔奉有華
胄遙遙俎豆懷前徽當官更欲勵末俗頑懦興起聞風師
逸民作頌亦自譽高士入傳無交譏几筵再拜前致詞神
之來兮是運期易姓運期名鴻飛冥冥我所思神之去兮
還歌噫

酬郭少廉茂才

補

銀漢昨橫秋不雨威餘夏槐花舉子忙秋風各整駕我輩
蕭散人李韞熱猶怕南皮文酒會追暑若望赦盈斛釀葡
萄堆盤異諸蔗籬落絡緯鳴秋娘及時嫁簪裾并山王漿
敦聯顏謝主人好客殷地偏游興藉圖畫壁縱橫名手連
城價疎梧修竹間怪石山可借水隔東西溪居鄰南北舍

陳子^封篆隸古筆不競姪姪君才更橫逸明珠光照夜胡
不去省闈宜乎老叟詩

柴杰字臨川錢塘人乾隆丙午舉人官國子監助教有

百一草堂集唐附刻

詩話臨川父次山上舍有集唐詩初二集臨川亦集
唐詩二卷每題皆有小序自爲箋釋又輯浙人詩存
乾隆十六年三月高宗南巡臨川以集詩獻召
試行宮年七十舉於鄉其賜官助教已八十矣

九曜石

巖壑契冥搜^{李羣玉}晴添瑞景浮^{薛能}亂煙籠碧砌^{王勃}飛閣踰

澄流^{虞世南}獨自成千古^{王維}悠然寄一邱^{田子}開襟坐霄漢

宋之卓犖傾枚鄒^{韓愈}

池島清陰裏^{羊士}徘徊吟繞廊^{修睦}煙花騰几席^{孟球}星斗燠

文章^{杜牧}牧地勝林亭好^{孫遜}風回錦繡香^{杜甫}靈芝三秀氣^{王維}睿

擇喜洋洋韋莊

乾隆十六年三月初三日迎鑿獻詩召試行宮謝恩

恭紀

廣學開書院唐元宗

仁垂聖主恩鄭洪業

愚臣忝詩賦王昌齡

新

渥照乾坤杜甫

荷寵乘佳節裴度

披香捧至尊崔立

奮飛超等

級杜甫

再拜挹餘樽杜甫

北闕晴光動裴夷直

東方喜氣繁潘孟陽

多榮

歡娛保歷代杜審言

禮異賈邱園張復元

雅量涵高遠杜甫

及子孫馮璋

因歌大君德李衢

煦育及春溫賈島

徐鏐慶原名嵩字朗齋崑山籍金匱人乾隆丙午舉人

歷官蘄州知州有玉山閣集

詩話朗齋為健庵尙書裔孫詩才清麗兼擅文辭癸卯省試已擬首選後場被貼主司列其文曰麗六蓋

聞中紅號也自有詩云虛名麗六流傳徧下第江南第一人破後阮文達為刻遺集桃花夫人廟碑文最

爲時
傳誦

卽事

把卷卧疏雨雨斷夢亦斷不知簾外風吹我卷帙亂溼雲
互明滅庭柯夕陽半屋角一帶山晴翠落几案忽聽幽鳥
嘯餘花掩書幔

九龍山晚歸

行行出翠微一徑入斜暉黃葉有時落白雲何處飛溪長
虹暈斷稻熟蟹匡肥欲采芙蓉晚煙波隱釣磯

落葉

一夜微霜下碧林年華荏苒暗相侵幽衾酒醒重簾遠孤
館燈昏細雨深身世飄零遷客路江關搖落故園心何須
更製哀蟬曲祇恐天涯思不禁

與君別行贈施雪颿

晉

與君一別一萬里握手相看十年矣當年射策金陵城秋
闈榜落都無名我今顛顛困一第對君出叻寒酸聲別來
難得俱無恙我入干戈爾煙瘴戎馬河西夜合圍客中遠
行愁不歸雲臺猛將去復去天山雲暗多旌旗誦君新詩
更淒絕爲君酌酒鎰花結君不見人生上壽一百年爾我
能禁幾回別

祖帳

祖帳東門道驪駒餞別筵片雲三楚樹落日五湖船酌酒
勸行客異鄉無少年西風有歸雁好盼尺書傳

絕塞

絕塞不辭苦遠行人未還西風驅萬馬落木滿三關獵火

黃龍磧軍書青海灣城南有思婦腸斷大刀鏃

賈汝愚字柳溪故城人乾隆丙午舉人官渾源知州有

孟門草

詩話柳溪五歲賦奉雪詩稱早慧弱冠舉於鄉九上
春官不第辛絳縣及牧渾源皆有善政工爲詩文連
狝裔麗然不自愛惜豪成輒棄去後
其子運生中丞蒐輯叢殘僅存十一

秋夜言懷

半天秋老定湖城既醉翻愁夢不成千里鄉心隨鳥翼一
年身事聽河聲裝縣早寄征衣冷墮網空教喜子驚月下
誰家弄羌笛依稀入破夜三更

薩玉衡字檀河一字蔥如閩縣人乾隆丙午舉人官洵
陽知縣有白華樓詩鈔

江館卽事

江淮界南紀日夜向東流雨氣白沈樹風聲颯滿樓寒花
敲晚照病葉畏先秋涼笛生愁思歸心未買舟

七夕漫興

玉露金風冷畫屏南來愁見五秋螢才非服輓名何益織
不成章涕獨零世路艱難甯一水人生離合悟雙星今宵
仙會能多少漏箭休催轉翠駟

何述善聽泉圖

山深斷人跡雲白封樵徑百丈響飛泉風松靜相應科頭
來幾時寂寂坐石磴恐是焦曠仙無言獨心證夕光嵐霧
霏日色林壑暝豈爲萬虛空兼以七絃定齋心滅眾聞幽
耳滿清聽所以弃瓢翁挂瓢則聽聲

楊灝字幼梁號復庵昌平人乾隆丙午舉人官樂亭教

諭有菊飲山房集

春日同郭汾勳徐闊齋可庵游仙人洞

仙家在何處洞口自長春鐘乳懸危座巖梯絕暗塵桃花
迷遠目草色醉行人徙倚夕陽晚山村鳥語頻

雨後望西山

雨餘山似黛縱目豁幽情天半雲猶漬峯坳翠已清裁詩
勞想像讀畫倍分明還擬延朝爽飄然襟袖輕

孫芴字力三號笠山京山人乾隆丙午舉人官羅田教

諭

登落雁山

倚杖趨危磴捫蘿上翠微水穿山腹出雲擁石門歸日落
松杉瘦年荒鹿豕肥郢南天一角零落雁孤飛

王學浩字孟養號椒畦崑山人乾隆丙午舉人有易畫

軒詩錄

蔣寶齡曰椒畦初受業於同邑李多堃豫德多堃尊
人故麓臺司農甥稱入室弟子淵源有自數十年來
海內丹青家蔚然日盛其能遠法董巨近接子久思
翁南宗一派者非椒翁之寫者意與歸嘗自題畫册云六
法一道只一寫字盡之寫者意與歸嘗自題畫册云六
亂頭麤服而意趣自足或極工麗而氣味古雅所謂
士大夫畫也中歲兼涉寫生賦色極澹自言略得元
人蒼古之趣孤賴母氏朱教養成人其客中生日自
詩話椒畦幼孤賴母氏朱教養成人其客中生日自
述云願兒莫出門祝兒在家裏依念此情惻惻心
傷止哀我少失怙亦更無兄弟客中念此情惻惻心
九矣征塵滿衣縫含淚試一視看爾鬢毛斑幾日能
爲子語淺而意彌真
學不獨餘藝足傳也

短句示張澹餘

作詩如噉蔗節節耐咀嚼著味在鹹酸太過反作惡希音
越以長太璞完不鑿善聽非耳爭善觀非目索笑彼支遁

愚騎折階前鶴

有懷

天末雁飛盡秋風病未蘇
單裘知夜永對枕覺身孤
人影連花瘦詩腸斷酒枯
未知空外聽念我此時無

題顧亭林先生遺象

天生雲鶴未教飛萬古青
霄望羽衣伊傅胸期巨川
楫夷齊身世首陽薇登臨
到處關經濟攷訂何人任
是非遺象清高容肅拜菴
中心事尙依稀

夜起

眼前有著盡天親爲子無
時已缺倫豐祭豈能勝薄
養寸心那得報三春當年
陟屺嗟游子此日題書署
老人屈指此身多歉事每
懷明發涕沾巾

口占

綠渠草碧水平隄
杭稻風涼秀色齊
漸覺江鄉秋色好
蟬姑絡緯盡情嘶

陳曼生乞畫江亭敘別圖

別緒鄉心兩欲牽
宣門送客記多年
不須更上江亭望
畫到垂楊便可憐

沈嶧字東巖號簡庵天津人
乾隆丙午舉人有鶯鳴集
板橋雜記題詞

紅粉成灰怨未消
香魂無數哭前朝
低徊卻憶江南夢
巷裏分明舊板橋

杜牧風懷宋玉詞
詩人例許惜蛾眉
樽前試與秋娘唱
淒絕雲昏月暗時

孫星衍字淵如一字季逵陽湖人乾隆丁未一甲二名
進士授編修歷官山東督糧道署布政使有芳茂山

人詩錄

詩話淵如與同里洪稚存黃仲則楊蓉裳齊名袁簡齋言近代詩人清才易得奇才難得淵如天下奇才也詩體近昌谷玉谿少作頗有太白神氣尤者步武建安早年博極羣書文詞華贍其後潛心樸學討論金石不欲以詩傳故所自錄詩甚嚴云

宿元符宮

琳宮鎮山坳高下飛軒櫺征鞍上盤盤日暝客始停遵途
百勞忘尋異千念盈徑微已三折屋暗仍重扃獨上怯曳
衣孤行危建瓴道士然炬來開門導前行靜覺鼠齧松微
聞鳥梳翎林空虎氣逼草滑蛇涎腥山頭白濛濛寒氣生
夜明猶被露華涼遠聽風笛橫悄然步初還游侶見自驚

幽房感仙蹤客夢冷易醒

李斯泰山石刻題後

穆書失政和

世傳周穆王吉日癸巳書原本以政和獵鼓取入內府亂後失之今惟有宋人摹本

疑宇文

近時審定石鼓爲宇文周時物最堅繼周數石刻惟有

斯篆存嶧山會稽書摹勒非其真茲碑立榛莽缺畫鬼所捫邇來碧霞宮復遭野火燔豈其坑儒魂來報焚書冤阿

房三月灰餘燄猶復然我言嬴秦罪在廢籀古文改篆而

篆亡毀經而經尊幾令周孔字禁抑不得傳非有叔重功

六義無淵原堂堂李丞相獨著倉頡篇奉詔寫石旁下筆

整不偏斥棄徒隸文程邈詎敢干法家尙刻削此蹟何真

涓試讀逐客書後愚而前賢觀其違時屯變本亦可憐眇

然訪遺本落落區宇間愛此匪恤私持贈友意殷人身不

及紙完好無百年楚人得失弓違者忘其人題名儻留世
何必歸子孫

山齋曉起

曉風吹澹絲桐花落如翦暗綠凝愁眉溼紅團淚臉羃羃
生竹煙斑斑積階蘚蟬軀換靈質柏髮易衰鬢空簾感秋
人流光展書餞

黃二

景仁

游黃山歸索贈長句

黃生骨格何軒軒擺脫羈絆辭籠樊俯視世俗心中煩悵
然欲與山鬼言南浮汨羅招屈原洪濤浮涵顛乾坤寸磔
幽怪償厥怨長蛟濺血江爲渾三湘七澤澧與沅參差一
聲波不喧出沒交手多嬋媛與子晞髮觀潺湲澗庭爲酒
君山樽八九雲夢胸中吞胸中壘塊誰共論扣舷大嘯呼

靈均酌以椒桂香溫磨嘗聞黃山極天門欲往叩額排帝
闈三十六峯愁攀援人跡不到哀清猿盤盤直上天宇昏
山慘怪魅來蹲蹲蠻君鬼伯舌腭反恍惚不懼存丹元昂
首大嘯捫元根陽鳥穆翥六合瞰手折若木敲金盆鋪海
萬頃光沄沄容成車過紫蕭幡忽變滅歸崑崙忽然悲
涕心自捫僕馬臨睨愁雲屯母嚙其指憂饗飧獨攜長鋏
歸田園突兀環堵積四垣堂後撫視忘憂萱採擷蘭藻供
芳蓀亦旣覲止笑以溫我時叩門日千番羅縷異境脣瀾
翻嗟我進退羝觸藩咫尺衡必拳肩跟悲來但恐歲月奔
感慨皮肉生胼臂君獨愛我氣誼敦酣酒過從常留髣發
篋示我千璵璠元暉作友太白昆補石要使天無痕書生
有若翁處禪曷不棄書佩豹豚十年浪跡車折轅面目變

盡聲音存雄雞一鳴驚逃珉附子不羞魚化鯁

夜坐吟

斜簾織月秋波紋薄露壓草生幽芬玉階美人抱書歎珊
瑚病慵堆綠雲複牆貼樹團團影荀令心煩自取冷蜀桐
囊澀挂新愁唧唧暑蟲吟石井

玉蟾洗林光漉漉空堂堂楚辭不堪讀草肥蘭瘦衝涼煙石
髮游根被秋屋橫竹暮愁生隔鄰冰文簟孤吟骨驚古梁
雛燕夢離鶯割情如絲補天傾桂葉暗輸人鬢好雨塘青
帝年年老

夜起步月偕婦王采薇

殘香掩空衾出戶夜淒絕雲背度月來花梢逗煙出幽行
過籬影微步上庭樾婢僕各已眠虛扉尙開豁園空息羣

動露響下林末眾青多爭肥艾氣自孤發各懷幽棲願頗
欲避白日君疴遂侵肺我愁自淪骨怪鵬藏深柯長聲豎
驚髮回瞻虛簾下鏡冷小蟲密何時入名山共子著書畢

貴家謔

華鐙張中堂白日走相弔雌虹吸沓空妖狸坐檐笑主人
朝醉谿谷中花底衷袒借秦宮黃金堆盤夜爭詣明日斜
封出私第薦肩倒曳狐尾衣朝下望履矜光輝閣門自畜
馬羣富令史更辱名儒爲鳴珂列戟一朝改七貴三公復
誰在饒貲入籍充水衡刺上惡名連四海前顛後蹶各不
看去作愚鬼空心酸田廬初與細民業花石又入豪家園
君不見榮名千春子雲宅才如嚴徐志琨逃堂中青鬢易
數絲門外綠蒿深一尺

潁州道中閱邸報讀弇山中丞辟雍詩及留漕疏案

喜而有作

一品衣看入上台三雍詩就歷蓬萊身依龍尾螭頭慣筆
挾河聲岳色來賓客西都朝輩問蒼生前席帝顏開衡門

我正耽經術莫驟商量薦爾才

時擬請立三體石經

千年城費五年籌

中丞在西安奏修省城

甘萬糧加卅萬留一疏特

恩傾四海重臣從古鎮中州雲霄作事皆垂史風月他時
好上樓我趁政成初入洛龍門

伊闕一名

百尺擬同游

吳烜字鑒庵固始人乾隆丁未進士官至吏部侍郎

詩話中州舊族科第名位之盛推新安呂氏乾隆季年固始吳氏繼之而起鑒庵性方正而接人和易官京師數十年謝絕請託休沐餘暇焚香讀書諸子撮大魁司文柄科第名位極一時之盛

和良泉兄詩

累深官久只增愁不比無心任去留洛水耆英如可繼東
山杖履願從游連枝曾記三生石歸棹還憑一葉舟琴鶴
蕭然真儉約寸衷精白是貽謀

馬履泰字叔安號菽庵又號秋藥仁和人乾隆丁未進

士改庶吉士歷官太常寺卿有秋藥庵詩集

詩話秋藥官比部年過三十不爲詩朱青湖其婦翁
也謂之日子以詞賦通籍而不爲詩是農夫不修耒
耜矣可乎乃始
爲詩落筆便工

雁足鐙

野煙冪冪耘夫耘老綠已活將鶯雲和土捉視爪趾分一
行蟲齧搜遺文建昭始造膏銜芬陽朔三年賜將軍蹠下
字更眇秋蟲實內大廚邇羶葷高尺有二重一斤歎息制
度精軼羣工今不藝嬉朝曛何事不異古所云然勤小物

大放紛吾將西征，弔蒼髮孝武赤雁歌。紛紜孝宣神爵以，
瑞聞是時火德方。烟煜王霸雜，用鐘間。鼗元帝儒緩家法，
焚滅火非燕。乃政君十侯並封兆，黃雩一。鐙雖細割炎，
斫宮中老婦昧。巢焚直至偪，璽慘不欣怒。擲階下恨嚼，
斷坐見威斗。延靈氛圍寢廢，壞現夔。獫纏帷玉座，緣落紋安得。
麻燭照秋蕢，哀鴻夜叫霜無垠。

送李我洲司馬之湖北

又見天涯書劍游，清尊話別薊門秋。劇辛不作燕昭客，李
自重登崔顥樓。壯志大江流漢水，離情白日淡幽州。葛龔
亦自成千古，莫恨輕車老不侯。

紅石峽

金粟祠前大漠開，憑高指點舊烽臺。陳雲黃卷平沙去，戰

血紅蒸斷峽來雁海茫茫渾不辨漳河滾滾浩難迴卽今
日暮邊聲靜坐聽嚴城鼓角催

李如筠字介夫大庾人乾隆丁未進士改庶吉士授編

修有蛾術齋詩選

詩話介夫早登詞垣甫逾壯歲遽赴玉樓遺藁亦遭
亂散佚僅存鈔本武陵趙文恪公爲其典試湖南所
得士嘗序其集謂情真思澹風濕乎大雅之
音使天假之年所造當不在蘭雪蓮裳下也

嫁魚蠻

劉王花塢珠孃宅慣倚花風送行客夜換薰篝甲煎香曉
調脂盞秋江碧蠻船月上水雞鳴紅燭珊瑚照眼明茉莉
花從宵髻放木魚歌促暗潮生舵樓一縷笙簫起萬點紅
燈水中市沙面縱橫十字街秦樓只在煙波裏煙花名籍
落江湖別買鄰船住小姑鬻盡魚兒養魚女不隨魚戶納

魚租江南大估徘徊久裝囊千金俄撒手前月浮梁販到
茶換來黃木灣頭酒酒痕消盡又年年萬斛明珠總化煙
赤足蓬頭呼寵婢不成春夢鷓鴣天浮萍敗絮何時已人
笑人歌聲在水早知生世伴魚蝦不如早嫁魚蠻子魚蠻
一樣住風波不著人間綺與羅月明一曲漁家傲可是當
年踏臂歌

題余秋室中允試院畫美人卷

春官桃李今年盛看花閃閃雙明鏡束筍堆中樺燭麩三
十日來目光竟畫堂依然一事無操紙乞君爲作圖炊斗
黍許閉門坐美人貼紙春風扶淡墨如煙一絲裊紅藍不
到秋毫杪妝非時世憐者誰神仙特立雲霞表寒宵展卷
對明窗鏡花細雨紅凝釘奇文五色尙挂眼突然睹此心

已降文章清氣如靜女落花不言人不語世間但取笑
嫣然不字有人甘獨處廣眉高髻滿城中壽陵邯鄲步不同
蕙心蘭質吾最賞亂頭粗服天然工古來嗜好酸鹹異何
況文章千古事推轂艱難國士愁蹇修錯迕蛾眉淚論文
品畫空沈吟此圖此意千黃金難求世俗國風好珍重先
生香草心

讀蔣心餘先生集書卷尾

作佛應須慧業身要知饒舌免迴輪偶然歌哭藏今古自
有文章役鬼神野史盡翻新樂府達官誰念老詩人虛空
粉碎知何住碧落依稀有侍宸

光孝寺菩提樹歌和家載園韻

調御真人植大樹浩劫洗盡雷雲痕幽光獨留太古色秀

色占斷枕椰村盤根錯節幾千尺太陰慘澹龍蛇奔竇坊
百事付陵谷休上人筆懸沙門豈知此樹亦千古老幹尙
作新花繁淋漓夜半戰風雨雷公電母相吐吞天年屈指
幾輪轉長松偃柏皆兒孫要知菩提本無樹於有佛處誰
能尊塔鈴丁東吉帛裂訶子錯落鉤輈喧龐眉老僧憩寂
坐石幢風細舉經幡何王宮殿化佛國金枝玉葉空無存
牧歌樵唱自今古春風秋月磨朝昏詞客淒涼半畝宅廢
井尙冒蘋婆根梵王宮前種秋菊連天腐草流螢燐貝多
寫經大無量試與桃梗從頭論護持此樹龍象力冰雪排
盡留春溫涅槃草木尙不朽託根何不祇樹園

顧鉦字式度號蓉莊無錫人乾隆丁未進士改庶吉士

授禮部主事歷官御史有蓉莊遺藁

昭君怨

紅妝千里爲和親，傾國芳姿畫未真。
不恨妾身投塞外，卻憐漢室竟無人。

錢豫章字培生號漁莊嘉興人乾隆丁未進士歷官戶部郎中有良齋詩存

先外舅查梧桐先生詩集寄園新刻者感題

池陽官罷魏塘棲，網戶封塵草沒蹏。
破屋風摧梅影失，荒田露泣稗花低。
誰同韓偓夸雛鳳，空憶喬公感隻雞。
華屋山邱悲自昔，遺篇賴爾手親題。

次韻馥林病起偕朱梓廬雨中過飲送春之作

絕勝韶光病未知，出門猶喜及芳時。
苦嗟逝景摧霜鬢，強抑愁懷付酒卮。
泣雨今朝如送客，惜花昨歲負題詩。
恩慙

又放江城權贈藥偏繫別後思

翁樹培字宜泉大興人乾隆丁未進士改庶吉士授編

修歷官刑部員外郎有翁比部遺詩

詩話覃溪視學廣東宜泉生於使院占者謂壽命不長當出後異姓覃溪還京以語蔣石菴石曰是宜爲吾子名之日申錫及通籍入詞林以大考改刑曹治官書甚力仍先覃溪卒詩多題詠書畫金石之作比之覃溪正猶斜川之於東坡也

題揭鉢圖

厲詩但衍寶積經前此作者推阮亭此卷無詩但存畫淡
描水墨非丹青紛拏變幻關傲詭精怪出沒鞭雷霆騰馳
電掣獸奔駛刀劍斷折紛雨零鉢底忽現小兒相手足卷
曲如拘囹半空天樂下鸞馭慈光普照留雲駟我於此圖
悟禪指畫師寓意加丁甯儻善食噴與癡愛根塵淨絕無

畦町爾緣性嗜噉人子饕餮屢飢汗羶腥是日貪心殺機
伏輪迴轂轉不暫停爾緣幼予失所往七日徧索窮幽冥
是日癡心墮惡趣如繭自縛迷難醒爾作狡獪聚醜類舉
旗揮刀鉞發矧是日嗔心卽苦海無明燄熾通天庭爾因
弱難乞援救涕洟哀籲憐伶仃是日愛心著魔障愛未能
割況汝形四者軫轉互薰染流派那辨渭與涇遂興么麼
蠢蠕動蕃孽穀敦生螟蛉鉢耶非鉢乃佛力琉璃七寶圓
光熒相與非相難執著鳩盤嫫母尹與邢神奸魘魅起妄
念愛魔未許逃天刑慈悲智慧釋塵縛空空倒挈軍持瓶
離奇恠怛震心魄花妖木客招羣靈人非人兮想非想青
燐佛火輝流螢李森朱璧不可作誰與畫手存模型不徒
羅家繪圖擬好續梵偈傳鎗銘

陳白陽古木寒鴉

兩崖老樹搖秋聲疏林撼撼飄紅英槎枒瘦削倍蕭瑟俄
看數點寒鴉橫橫處排空復成陣欲落不落棲還驚性果
求安便止宿心緣懷侶猶飛鳴商飈習習振林谷紛紛翔
集仍回縈一枝豈不故巢戀歸羽未定煩經營煙雲半抹
意恟恹樹杪遮斷紅霞明長空來往極寥廓徘徊悵望勞
浮生合離下上得所適超忽遠近隨遐征樹惟見鴉不見
葉夕陽疏影銜山晴山人靜者獨觀妙機心世慮兩不攪
臨流拄杖意何屬坐視物化無枯榮寫生取神不求似氣
味包蓄逾孤清微烘淡墨漸無迹門徑異否衡山評

南唐官硯歌

背篤皇祐三年
歐陽文忠記

百六十字輝星躔永叔所得原叔傳我從皇祐湖保大後

先俯仰已百年宋興百年盛文治龍圖學士登集賢搜碑
手題集古錄傳信新訂薛史編夷陵舟中伴行笈玉堂儼
直供丹鉛回思初得二十載雙桂樓下屏風前牡丹姚魏
譜京洛鸚鵡眼暈摹方圓公時南京作留守此硯先已來
應天沈湮棄置忽顯豁押尾小印精雕鏤昇平回首憶曠
昔江南野老詞淒然自言幼時嘗及見金陵舊有負郭田
先朝元宗重文史縹緗器具能精妍承明石渠富珍祕廷
珪之墨澄心箋是時歛州置硯務餼廩月給唐國錢龍尾
山頭刷蒼骨羅紋坑底淘清泉尙方歲取有程課箕裘世
業彌精專溪流漸湮山脈斷滄桑變後歲月遷摩挲此硯
三歎息無端根觸增流連一代繁華說江左萬古靈秀鍾
山川李少微名漫題記謝景山瓦會周旋

四月十九日重登小巖山

遠山如帶拱神州
兩月重來話昨游
人在上方臨下界
時當初夏似深秋
蔥蘢樹色千尋合
罨靄嵐光四面浮
山圃桃花開正好
可容借榻暫淹留

題法時帆詩龕嚮往圖

異代詩人萃一堂
風流千載說柴桑
打鐘掃地三生夢
可少同龕蕪瓣香

三昧何能掩韋柳
五言選卻右丞刪
欲將畫裏徘徊意
取漁洋甲乙間

楊夢符字西躔號六士浙江山陰人乾隆丁未進士歷
官刑部員外郎有心止居詩集

題邵叔山先生遺集

玉清小住成朝隱未敢同高更乞閒便不終身爲祭酒也
應卒業在名山華陽肯起青龍卧臣朔原從金馬還絕似
當時庾開府暮年蕭瑟賦江關

寒山飛雪客來時座上春風次第吹獨許清神如叔竇空
慚髻歲識邱遲青衿弟子文誰似白髮詞臣序已悲昨日
聞詩過孔鯉孤兒風貌似吾師

秋夜憶別心牧並東家惺園庶常洪大稚存

故人已別西窗雨賤子空成東閣吟檻外寒鐘殘夜酒枕
邊落木五更心貧交幾輩如公等殊俗無端變土音三日
晴皋聽過雁舊枝誰是越山禽

寄洪稚存

曾言賣賦辦歸裝歸著蓑衣住蟹莊不道雍容美車騎游

梁便擬作貲郎

移居八角琉璃井

烏衣門巷記曾游，排草披榛徑獨幽。
桑下探環疑夙世，井間投轄爲名流。
登堂自有千秋意，置我何須百尺樓。
最喜散衙無一事，買書十步大航頭。

不費多金早得鄰，王言孫盛往來頻。
車猶可售能供客，釜不因人且諱貧。
深巷月來常半夜，晴檐花暝易成春。
可知心計麤，還未賣餅歌時聽最親。

劉廣恕字可亭，號耐泉，慶雲人。乾隆丁未進士，歷官工部員外郎。有如心堂吟草。

贈別石東庵

芳草天涯慰旅愁，如何南浦有歸舟。
君悲十載歌長缺，我

愧三冬擁敝裘縱飲誰憐步兵酒多情獨上仲宣樓欲知
別後相思恨千里滔滔濟水流

沈叔埏字埴爲號帶湖秀水人乾隆丁未進士官吏部
主事有頤綵堂集

過祥符寺

禪院鄰水西遺宅魏公捨傳自興甯間此焉講般若經過
路欲迷徒倚殘碑下老鷗出疏林蒼鼠竄破瓦牆陰繞徑
深潭影向空瀉亭午不聞鐘此意轉瀟灑

初至中牟九堡行館

村僻林深有數家喜看麥秀一停車恩恩又向長隄去媿
爾庭前木槿花

阻雨飲澹川宅

到門凍雨洗炎溽延客迴鑿慙不速借將尊酒敘平生差
勝隻雞招近局茗椀楸枰偶作緣異時佳話狂人傳一輪
蟾魄秋相識兩部蛙鳴醉欲眠

春夜宿葭露山房

短檠不移傍晚汀看花郭外舊軒櫺酒杯未放佳辰過漏
板仍容靜夜聽吟愛埽門三徑綠卧同蹋壁一鐙青瓏瓏
只是愁春減湖汊風來解掣鈴

寄題寒山舊廬追次桐城張文端韻爲錢唐陸森作

吳山佳處占斯邱雅稱閒居與客游竹筧分泉仍入戶松
檜挂月自當樓無端石勢千尋聳不盡江聲一片流莫問
南園誰作記到來肯爲古人愁爲韓平原南園遺址

藏香酬袁春圃方伯

我聞小西天名曰烏斯藏有香唵叭殊無佛喇嘛妄市羸
聚蜀都貢遠陋邛杖辟邪兼辟寒卻穢同卻瘴百品壓都
梁萬里列亭障閒管接輿圖有足資博訪江卡至鐵凹攢
巒而杳嶂說班多以西地柏儼益益取料皆此樹枝膠連
蜷狀紅者何物成番紅花爭映叶黃者價稍昂龍鯉指爪
猛叶厥筐包楛皮其國枕葦蕩蠻夫擔重荷犏牛載兼兩
雪嶺白嵯峨金沙黃浩漾窺舍麗層霄革船渡惡浪拉薩
番語不愛珍夾霸番語豈愁掠袖編紀鎖喃舌人非譎誑
周末傳化人執袂願騰上靈關闢相如絕國通博望回鶻
再朝唐摩尼汗所仗明初設官司洪武六年烏斯藏招討司印見康熙問總督席爾達
疏爾達偶舉事終曠不鑠入吾朝威稜德洪邕一從賜錦幢
百倍榮蕃帳繡鞞舞佞童金甲戲天將藏果匄賓筵法華

琅梵放緬昔東宗喀香界噶丹衛地寺名邈迤至衛西黃教

迭演唱達賴大智慧莊嚴具諸相甫生卽能言三世知不

妄恭逢我文殊進表稱文殊菩薩至聖皇帝手執蓮花清淨座下日入九化向清

淨坐蓮花徠賓禮會抗閭年昨旱癩畏景轉炎煬老母被

隆暑世瀉嬰微恙不憚滌廁踰所苦竭肆賦貧乏甲煎供

質有膏爐長珍逾握椒貽佐我白華養虛室生吉祥篆煙

乍搖颺一炷氣漸舒再蒸神已王哀哀九竅透郁郁百骸

暢快比酒健羸霍如鹽療脹難老祝延齡新秋勝飲沆默

想烏拉番語牲畜馱遠踰鄂博防牛頭記海岸鳳腦談瀛閩閉

閣慚小宗循陔秉微尙行和良在茲高誼焉敢忘金鱗噴

猶餘銀鴨燼仍傍賦詩補香乘庶用答嘉貺

宋鳴珂字梅生奉新人乾隆丁未進士歷官廣西桂平

悟道有心鐵石齋存藁

月夜泛舟琵琶亭次王夢樓太史壁間韻

布颿無恙且遲遲送客聊吟白傅詩月夜有人曾問渡風
流恨我不同時江心鋪練平無迹柳岸藏星悄未知一領
青衫共淪落後之來者又伊誰

過黃州雨中望赤壁

兩賦徘徊當問月千年憑弔獨臨風古今俯仰不相及磊
落襟期難與同極浦迷離誰揖客大江日夜自流東秋期
預訂鱸魚約擬陟巉巖夕照中

周鏐字蓮若號春田長沙人乾隆丁未進士歷官蘇州

知府有聽雲山館詩鈔

詩話春田講求經世之學守蘇州有政聲以讞獄未
當蒙重譴戍伊犁赦歸歿於河西旅舍在蘇時嘗搜

刻名人手蹟自范文正文信國方正學于
忠肅以下數十家皆手書跋語名曰人帖

田家春曉

田家無四鄰開門惟有樹不復辨山翠蒼茫見春霧攜鋤
出原坂牛迹紛滿路布穀時一聲飛過西溪去

舟行雨泊

一櫂沿湘岸孤帆意黯然市鑿紅在水江雨黑沈天雲厚
方堆絮風寒欲折縣遙遙泊前渚橫枕卧炊煙

陸元鉉字冠南號多石桐鄉人乾隆丁未進士歷官高
州知府有青芙蓉閣詩鈔

晚過露筋祠

野火神祠驛路迎風蒲獵獵晚寒生一聲孤櫂唱歌去
月欲來江水清

召伯堰

向晚新城道舟移鏡裏天湖寬遲鳥路水暝上漁煙澤國
吾鄉似歸程客夢先片帆從此去泛宅雪溪邊

甯遠雜詠

山連六詔迴崔嵬風土蠻鄉亦怪哉陰日披裘晴衣袷上
方積雪下闡雷刀耕地向雲中關索度人疑域外來說與
吳儂渾未信荷花時節柏楸開

何道生字立之一字蘭士靈石人乾隆丁未進士歷官

甯夏知府有雙藤書屋詩集

詩話蘭士久官水曹工於計步嘗割宅居王陽甫與
甫欲界牆庭中有亂磚堆君職其磚縱橫步數久之
日得矣翌日召匠工作如揚甫旨而磚適盡其精覈
類此法梧門稱其詩云溫純如其待人豁達如其襟
抱縝密如其行事子熙
續亦嫻詩學能世其家

卽事

黃昏風雨暗書幃
客裏逢春春又歸
一段閒情無著處
杏花零亂柳花飛

同人集雙藤書屋羅兩峯曹友梅張水屋合作一圖
紀事

三人合畫議誰始
兩峯友梅張風子鋪將一幅溪藤紙
筆聲颯颯風生耳
一氣呵成十五指
烘染如以水濟水
是時木脫秋氣高
髣髴滿屋生風濤
瀑布下注勢千尺
飛流倒濺茅堂茅一株
兩株樹磊砢
三人五人恣游遨
頓令座客發遐想
栩栩競欲凌雲翺
嗚呼兩峯友梅張風子
肝膽一家乃如此
吾欲合傳一篇續畫史

秋雨招蒲快亭小飲

客夢因秋遠新涼逐雨生漲侵沙路輾風颭葛衣輕酒愛
閒居中詩從懶出成頽然北窗下書卷任縱橫

忻州牧汪君

本直

重修元遺山墓立祠訪其裔孫主

之盛舉也賦寄二律

晉國畸人元裕之金源文獻獨維持興亡盡入詩千首磊
塊難消酒百卮一代典章誰信史中州壇坫此雄師浣花
心事坡翁筆不及成都有舊祠

遺蹟重尋野史亭秀容城畔草青青劇憐抔土餘荒隴特
洗殘碑認舊銘此事使君堪不朽誰言詞客竟無靈雲祇
今日還祠廟應有精魂下杳冥

尹英圖號百川蒙自人乾隆丁未進士改庶吉士授檢
討厯官施南知府

過亭子墟見漁船偶賦

郎拋罾罟妾輕橈暮雨朝雲任汐潮網得一雙文錦鯉絲
楊深處醉今宵

劉廷楠字讓木獻縣人乾隆丁未進士歷官嘉應知州

署廉州府事有偶一草

詩話讓木佐文敏招降張保事具詳畿輔先哲傳所著偶一草身後故佚曾孫修鑑從他處搜輯僅得數十首其受降口號四首亦入佚張文襄曾見之僅憶其一首爲修鑑口誦之故得附編文襄爲當代名臣乃於鄉先進遺事殷殷留意如此亦足規其識抱也

題仲柘庵海天一覽圖

南溟上接銀漢遙誰實主之赤與寥乾輪坤軸雙丸跳陽
沐陰火冶不銷渾沌之初如浮泡狂瀾不肯循汐潮颯母
次浪竄鼉號山澤錯遺無支條王公設險磐石牢東崎大

虎西崖蕉三門一束如堂坳零丁雞足吾垌郊利涉索度
達沃焦梯航萬國百寶饒商賈重利狎風颺帆檣出沒無
昏朝守茲土者若斗筭蜚人龍戶俱雄梟海防海戰紛曉
曉談兵紙上嗤虛枵柘庵吏事邁常僚亭鼓無警民不佻
還慮萑苻伺劫剽欲窮澳嶼擒酋豪山壘礮磊紫瀾高望
濤遠決色無撓驚帆如葉舟如瓢長年如豆櫓如毛海童
馬銜不敢邀恍驅雷霆鞭巨鼉天水混茫一色包雲謠波
詭萬象昭或若神山隱岩巖或若島夷分土茅或若馮夷
擊靈鼓或若陽侯馭雲驪或若羣妖視眇眇或若鬼國狀
僬僥或若蜃窟吐虹橋或若鮫室掛冰綃靈變惚悅難具
描風激浪駭促歸橈邏卒沙丁遠然膏魚姑蜺姝夜吹簫
測海今知眾言淆世所未名目已遭憶昔氛祲尙未消水

犀三千久垂囊天吳不戢鯨鯢驕幻化介鬼長鱗妖紅旗
黑幟連千艘安得周郎赤壁燒帝咨元老建節旄樓船五
月下南交封狼生貙雉卵蛟鉅虛負壓緩援猱右臂宜斷
左宜招近者用撫遠用剿顧我素未諳鈴韜徒以命薄輕
洪濤慷慨請行浮一舸衝其壁壘搗其巢渠魁面縛不血
刀羣醜解甲齊山腰受降臺築拜嫖姚不數伏波銅柱標
書生蹈險倖徼虎穴得子敢告勞披君此圖白首搔雙
眸猶眩心旌搖方今環海滌腥臊影沙磧石無逋逃餘殄
猶恐孕蠮螋安不忘危是吾曹與君誼結古同袍老矣壯
志未全拋共抒心力答熙朝非徒奇絕詫游遨

李東田明經用東坡石鼓韻留別次韻奉和

我生之時在己丑彈指流光變童叟廿年嶺海蟻磨旋又

到梅州牛馬走舊業全拋嗤負腹新政試行慎防口此邦
文物盛淵源多士雲龍爭先後伊昔締交識一二於今望
氣得八九驅車不須避陽鱗閉門無從見泄柳比年校士
屬有司仔細量才數升斗鮮新差擬管生花詰屈或若柏
生肘模糊老眼溷場師得毋蘭艾埋蒿莠五羊名士今謫
仙三載盟心吾畏友別裁僞體黜軋苗譎字方言辨乳穀
譬彼象罔索元珠瞭如伏生識蝌蚪青雲意氣愛少年白
首心情憐宿耆我昔懷鉛佐玉尺候蟲時烏紛唧嗾漫屈
諍人伸焦僥敢重商提輕梁卣所懼相皮反遺骨五色全
迷目同瞍二十八宿動星文指點翼岫與離嘍陋儒一得
竊自喜與君論文覺顏厚清言明理瓶瀉水宗派支流析
某某多錢不敢做貧兒良買深藏如烏有卻慚俗吏逐風

塵委置詩書習鞭杻餉我新詩抵百朋應付瑯嬛鎖雙狗
惜哉梳妝不入時待字頻年猶未偶翻許劉安有仙骨解
得徐鉉爲龍首瑰然大璞不彫琢留待良匠施攻培老手
斲輪自有真雕蟲小技何足取傳觀見說愈頭風長吟頓
使滌心垢雲路從此看騰達風檐莫更歎株守總然良馬
感孫陽不遇先覩或同朽一編願付青梅巢梨棗長媿喬
松壽

張保受降口號

鞞鼓聲中泛上游海門何處覓封侯城頭指點洪濤裏劉
令生還一葉舟

顧敏恆字立方號笠舫金匱人乾隆丁未進士官蘇州
教授有笠舫詩藁

詩話笠舫詩思深辭贈論古尤見識力亦嗜倚聲兼
師玉田夢窗並工駢文嘗游貴池撰昭明太子廟碑
隨園見之以爲六朝高手既知出笠舫
深爲歎賞笠舫爲作感知賦一時誦之

澄江寓舍夜雨偶成

蕭蕭涼雨滿江城水國秋風感慨生
鳧鶴短長甯有定雞蟲得失未須爭
寒雲遶樹歸鴻影細雨疏鐙落葉聲
不識淺斟低唱好等閒拋卻換浮名

夜宿祐國禪院

夕磬警虛堂秋衾宿上方一聲聞白雁
昨夜落青霜古柏深深影旃檀細細香
孤吟同半偈題向贊公房

沈清瑞初名沅南字吉人又字芷生長洲人乾隆丁未

進士有沈氏羣峯集

詩話諸城劉石庵視學江南芷生應童子試石庵命
分詠吳中古蹟十二題不移晷而成石庵擊節曰此

生如芝草鳳凰清時之瑞也因易名清瑞歿年甫踰
四十所著帝王世本春秋世系考史記補注孟子逸
語皆未及成詩
文亦多亡缺

寄陳小梧元基楚中

芳渚東風長蕙蓀知君倚棹過荆門雲生晚郭連山色雪
盡春江見岸痕舊笛夢吹吳地遠新潮愁對楚天昏夜分
應恨猿吟苦暝宿湘南煙水村

龍潭道中雨後同陳小梧元基詹湘亭應甲賦

一雨涼如此西風吹苧衣數螢隨露下獨鳥背煙飛驛路
秋聲早溪橋夜火微共投何處宿隔水叩柴扉

秋月

夜色涼於水風高朔雁還長空一片影吹落萬松間思婦
高樓上含愁照玉顏可憐千里道何處是秦關

呈寶東皋先生

昌黎山斗人倫表六一文章海內名末座趨陪容賤子中
朝風雅屬先生士誇望比龍門峻吏說官如浙水清廿載
春風重持節越江花發待雙旌

度縉雲嶺宿嶺下村舍

黃龍隘口來崎嶇地險最一徑青天通兩傍白石礙莽莽
虎跡深蒼蒼樹形怪傾崖漏斜陽光照飛鳥背迢遙上絕
頂山路狹如帶輿夫側足行二分垂在外氣促不得喘十
步九倒退非意得寬坦延眺心頗快雲中辨括州天外望
吳會是時天驟寒林長野風大行李落葉中纏屬負與載
前途黯將夕暮色起古檜投宿竟誰家荒村隔煙靄

石門洞觀瀑布作

驚雷破山走犖确蛟跋浪恣拏攫兩峯對抱勢如束中
閭一瀉千丈落廬山瀑布稱奇絕此處石門良不惡珠璣
紛紛下雲端琴筑喧喧出林角青田先生昔此居坐嘯名
山蘊奇略未爲蒼生作霖雨先耽野趣尋邱壑萬頃瀉入
胸懷間意氣英雄共歎薄坎流良止悟行藏壁月蘿風寫
憂樂迄今來訪讀書處洞門苔封青岬嘔噴流濺沫溼人
衣四山無雲雨聲作雨聲泉聲杳不分疑是先生夜讀凭
山閣

晚晴詩匯卷一百五終